



Hinder



C. D.  
DISSERTATIO HISTORICA  
DE  
ORIGINIBUS  
PRUSSICIS,

quam  
Consentientibus Superioribus

PRÆSIDE  
M. CHRISTOPHORO Hartknoch/  
Prusfo.

*Publico Eruditorum examini  
submittit.*

WOLFGANGUS CHRISTOPHORUS  
à Nettelhorst.

*Ad diem Septembr.  
horis locoque solitis.*

---

REGIOMONTI,

Typis, FRIDERICI REUSNERI, SER. ELECT.

BRAND, & ACAD. TYPOGR. ANNO M DC LXXIV,

*Ex lib. PP. Societ. Camaldulens. Montis Reg. ppe V. J. J. J.*



SERENISSIMI AC POTENTISSIMI  
ELECTORIS BRANDENBURGICI &c.  
Supremis Summi Prusiaci Regiminis Consiliariis, Viris  
Per-Illustribus, Magnificis ac Genero-  
sissimis

DN. JOANNI ERNESTO  
à WALLENRODT,  
Supremo Provinciæ Magistro, Hæreditario Domino in  
Pachollen/Preßelwitz/Alt-Stadt/Rönigs-See/Jergelaken/  
Willstienen/Neuendorff/et c/&c.

Ut &  
DN. JOANNI DIETERICO  
à TETTA W,

Cancellario & Supremi Tribunalis Præfidi,  
Hæreditario Dn. in Wicken/Doben/&c.

Fautoribus meis ac Dominis Gratosissimis.

**Q**uod olim Lacertosos quosq, Olympiaci pulveris Palastritas factitasse  
comperio, qui gyganteis suis humeris immensam adjecturi firmitatem, Ceroma-  
te sese inungebant, ac roborante collipio pugnaturi sese confortabant; Idem & Ego  
erudita velificatione decertaturus facio, non Leoninis cum Achille medullis enutritus,  
nec Achamenide fugatrice herba, aut Alethoriâ, victorioso Lapide instructus, sed Ve-  
stra benevolentia Clypeatus, emasculati licet animi forem, latus hoc prælium capesso.  
Et certè licet severiorem Sceptici Aristarchi censuram fugerent hæc pagella, non securius  
tamen sub Ajacis Clypeo, aut contegente Umbone, quam sub Vestra patrocinate umbra  
delitescerent. Ego interim Castiodorum secutus sic admonentem: Perdius & pernox  
Patrum memorias revolve; scrutare Gentis tuæ incunabula: Res gestas & An-  
nalia monumenta observa, turpe enim est in Patria sua peregrinum agere: Has  
levi dentes pagellas ut Vestrarum quoque Illustrum familiarum Ephemerides ea qua  
par est dedicati animi submissione dicare atq, inscribere volui debui

Illustrum Dominationum Vestrarum

Subjectissimus Servus  
WOLFGANGUS CHRISTOPHORUS  
à Nettelhorst.

K. III. 48. (a)



## C. D.

## De Originibus Prussicis.

## I.



Mnibus ferè populis hoc in Pa-  
 triam innatum est studium, ut genti suæ  
 auctoritatem dignitatemque aliquam  
 conciliaturi, ab ultima eandem accerse-  
 re nitantur antiquitate. Hinc etiam, ut  
 varias gentium migrationes, sediumque  
 mutationes, varias item genealogias, ad  
 propositum facientes, reddant probabiles, multas non raro  
 fabulas solent comminisci. Nobis talia plurima suppetunt,  
 quibus cum quavis aliâ gente Europæâ de antiquitate certa-  
 re possemus. Sed fabulas perosi, non cuivis opiniononi cal-  
 culum nostrum adjiciemus. Hoc itaque sedulo acturi su-  
 mus, ut rejectis primò falsis opinionibus, in veras postea,  
 Prussicæ gentis Origines inquiramus. Et ut hinc tractatio-  
 nis nostræ initium fiat, producimus primo loco opinionē  
 Joannis Annii Viterbiensis de Prussia. Hic autem Prussos de-  
 ducit à NOACHO Patriarcha, dum refert *Noachi* filiam fuisse  
*Araxam* matrem *Scythæ*, cujus filius dicitur fuisse PRU-  
 TUS, à quo *Prussia* dicta. Sed lubet audire verba ipsa Annii:  
*Araxa*, inquit, prisca fuit filia *Jani* sive *Noa*, mater prisce *Scy-  
 thæ*, à qua *Araxis* fluvius in *Armenia*, qua prisca *Scythia* dicta  
 est, & *Aramea Saga*, ut sæpius diximus. Hæc *Araxa* comi homi-  
 ne & ardenti simul libidine mixta fingitur semivipera. De qua  
*Diodorus* in tertio libro: Dicunt, inquit, *Scythæ* per modum fa-  
 bula natam apud se Virginem ex terra scilicet *Vesta*, umbilico te-  
 nus hominis formâ, reliqua vipera, eamque genuisse puerum cujus  
 nomen sit *Scythi* (à quo dicti sunt *Scythæ*) i. e. primus & ante  
 A alios,



alios, quod antecedentes præcesferit claritate. Sed hæc expositio Diodori non est illa præcipua, quia Scythæ i. e. primus & antè alios dictus est, quia apud Araxin fluvium mater Araxa illum genuit, ubi post diluvium prima gens & antè omnes nata consedit ibidem ex historia Scythica. Et subdit Diodorus: Scythæ filii fuerunt Prutus & Napis, à quibus diverso imperio, populis uterque nomen dedit. Nota quod in Scythia regnavit Prutus, à quo Prutia magnum regnum, quod nunc conversa litera & in s dicunt Prusiam. Hæc ille in Comment ad lib. II. Berosi ( illius fictitii ) pag. 19. a. b. Præclarum sanè antiquitatis Prusicæ testimonium, si modo aliquid veri contineret. Sed nobis non est dubium, illud ab Annio confictum esse. Diodorus enim Siculus, quem sibi in Patrociniū vocat, nihil habet de Pruto; sed hoc tantum dicit: Inter posteros bujus Regis (Scythæ) duo extiterunt fratres virtutis eximia, quorum uni PALO, alteri NAPÆ nomen erat. Hi post multas res præclare gestas, regniq. partitionem alios PALOS. alios NAPOS de se nominarunt. Lib. II. (non III. ut Annius allegat) Biblioth. cap. XLIII. p. 123. Edit. Lat. Hanov. An. 1611. & fol. 89. Edit. Græco-Lat. Henr. Stephani. Sed nihil novi est Annio Viterbiensi cum fictitio suo Beroso nomina comminisci, à quibus populos deindè derivare possit. Specimen hujus artificii videatur apud Beat. Rhenanum lib. III. Rerum German. pag. 347. seqq. ubi de nominibus propriis Veterum Germanorum agitur.

II. Non multò recentiorē faciunt Prussicam gentem, qui ipsam ab ISRAELITIS deducunt à Salmanasare in captivitatem abductis. Quare de Joannes Funccius Pastor Regionis Palzopolitani in Commentar. ad Chronol. suam lib. X. ad An. Chr. 1217. de Prussis Veteribus: Populus agrestis, inquit, & Dæmoniorum cultui deditus in ea terra habitabat. Quod reliquæ in hodiernum diem testantur. Religio sum-



*Summa cum Mosis institutione de sacrando & immolando birco  
 in festo Propitiationis in multis conveniebat. Quem sacrifican-  
 di birco morem Sudavi (qui in Sembia ad mare habitant, ubi &  
 succinum eorum opera hauritur ex mediis fluctibus) ad hunc  
 diem (licet manifestè non ausint, prohibente eorum nefas pio  
 Principe Alberto) observare dicuntur. Hinc est quod quidam  
 putant hujus populi Originem à Judæis vel Israelitis à Salma-  
 nasare abductis esse, de quibus aliàs copiosius dicendum esse  
 nisi Sabini operam expectarem, qui, ut supra dixi, res Ordinis  
 conscribere dicitur: Et ad An. mund. 3270. Authorem hujus  
 opinionis dicit fuisse Andream Osiandrum, aliasque opi-  
 nionis hujus adjungit causas, quando ait: Atq, hinc est quod  
 Reverendus Dominus Osiander putat, populos illos qui Litva-  
 nam & Borussia aliquando habitarunt, quorum adhuc me-  
 diocris multitudo in Borussia, ortum suum habuisse. Cujus con-  
 jectura hanc infirma argumenta sunt, tam lingua, quam Veteres  
 eorum ceremonia & Religio. Alias adhuc conjecturæ illius ra-  
 tiones legimus apud Severinum Göbelium Serenis. Alber-  
 ti March. Brand. Ducis Prusiæ Archiatrum, in tractatu, cui  
 tit. Einfältiger jedoch gründlicher Bericht und Bedencken vom  
 Ursprung des Agadt oder Bdrnsteins &c. Licet Judæos non à  
 Salmanasare abductos sed post excidiū per Titum Vespas.  
 Imp. factum huc concessisse ex illo colligi possit: Sic verò  
 cap. III. hac de re scribit: Solch Vold (in Sudinia) ist ein  
 zeitlang ziemlich hart gehalten mehrentheil ihr Abgötterey hal-  
 ben/ oder Anruffung der unvernünftigen Creaturen / Vöcke/  
 Schlangen/ in Errichtung vieler Götter und Heiligen/ davon  
 man sie lange Jahre hero nicht wol bringen können. Denn weil  
 sie an der Seekante wohnen und den Halsstarrigen Ort an sich  
 gehabt haben/ welche Halsstarrigkeit von der H. Schrifft sonst  
 den Jüden beygelegt/ hat mancher erachtet/ es würden die Leute  
 sein nach der erschrecklichen Zerstörung Jerusalem/ da viel Jüden*



auff die Schiff gestoßen und von den Winden hin und wieder  
verschlagen worden/etliche von den überbliebenen an diese Drey  
Landes angetrieben seyn/ und allda in ihren Fischer-Büdelein ihre  
Nahrung gesucht/insonderheit weil sie noch in ihrem alten Klag-  
lied den Namen Jeru, Jeru, als Jerusalem / oft wiederholen  
und kläglichen singen. Edidit hunc tractatum Author An.  
1567. Filius autem ipsius Severinus Göbelius M.D. alteram  
editionem procuravit An. 1616. Ex his jam audivimus cau-  
sas hujus opinionis, quas breviter examinare lubet. De lin-  
gua Veteri Prusica, ut primo loco dicamus, eam adhuc ne-  
mo præter Funccium Hebraicæ esse similem asseruit. De-  
indè si hoc verum esset, eadem facilitate Lithvanicam, Cu-  
ronicam & Livonicam ex Hebraica ortas esse probari posset,  
cum quibus vetus Prusica ferè conveniebat. Ex religione  
Veterum Prusorum an probari possit illos fuisse originis  
Israeliticæ, ego non video, cum Prussi fuerint maximi Ido-  
lolatæ, *Solem, Lunam, Stellas, Sylvas, Serpentes*, imò ipsos  
Diabolos in *Potrimpo, Percuno, Picollo*, aliisque Diis ut *Gor-  
cho, Iszwambrato, Pergubrio &c.* adorantes. Convenientia  
qualiscunque in ritibus quibusdam non facit certum argu-  
mentum Originis in aliqua gente. Novimus enim Diabo-  
lum, ut Dei simiam suos sectatores docere ritus, ritibus à  
Deo institutis similes, ut plurimis exemplis doceri posset, si  
necessitas id exigeret. Imò sitam levis convenientia rituū,  
ut hic in sacrificando hirco, faceret eandem gentium Origi-  
nem, probare in proclivi esset, Prussos Veteres ab omnibus  
gentibus posse derivari. Nam nulla, credo, gens est, sive tam  
exculta sive etiam ferè tam barbara, quæ non habuerit olim  
cum Prussis in ritibus aliquid commune. A *Gallis* nemo un-  
quam Prussos, quod sciam, deduxit, eosdem tamen indè de-  
rivare facili negotio possemus, si illud argumentum aliquid  
haberet roboris. Audiamus enim quæ de ipsorum Druidis  
sive



sive Philosophis & Theologis refert Diodorus Siculus lib. V. cap. XXXI. p. 293. *Sunt etiam Vates, inquit ille, magna apud illos existimationis, qui ab auspiciis & victimarum extis de futuris divinant, eisq. plebs universa morem gerit, imprimis ubi de magni momenti rebus consultatio incidit, mirandum & incredibilem quendam ritum observant. Hominem immolatum supra transversum pectoris septum ense feriunt: quo caso prolapsus, tum è casu & convulsione membrorum, tum è cruoris fluxu quid eventurum sit presagiunt.* H. i. Eandem Prusici Pontificis fuisse auctoritatem referunt Chronica nostra: Cum etiam Prusii in hostem proficisci vellent, eodem ferè modo Deos suos consulebant de prospero belli eventu. Scilicet hominem ab hoste captum immolabant, ubi Summus eorum Sacerdos, *Crive dictus*, ipsi pectus transfodebat. Si sanguis torrentis instar erumperet, prosperè sibi res eventuras sperabant: si verò guttatim tantum destillaret, adversum hoc sibi omen arbitrabantur. Henneberg. in tract. de Vet. Prusl. pag. 20. ex Grunovii Tractatu II. cap. 5. Deindè de Druidis Gallorum Julius Cæsar de bello Gall. lib. VI. dicit quod credant, *non interire animas, sed ab aliis post mortem transire ad alios.* Eadem de Veteribus Prusis tradit Vincentius Kadlubko Episc. Cracov. (qui in fin. Sec. XII. floruit, jusuq; Casimiri II. Ducis Polon. Historiam suam scripsit, quæ An. 1612. Dòbromili typis excusa est) *Est, inquit, omnium Getarum (per Getas perpetuò Prusos intelligit, ut postea etiam dicetur) communis dementia, exutas corpore animas nascituris denuo infundi corporibus. Quasdam etiam brutorum assumptione corporum brutescere.* lib. IV. Chron. Polon. cap. 19. p. 512. Hæc & alia occurrebant ritibus Prusorū conformia apud Gallos; ex quibus tamen nemo à Gallis Prusos rectè derivaverit. Magna itaq; rituum convenientia sit oportet, & quidem accedentibus aliis rationibus, si



argumentum hoc procedere debet. Reliqua argumenta à *pertinacia* Prusorum, & à cantilena *Jeru* desumpta, ipse *Severinus Gôbelius* l. c. nimis esse infirmia agnoscit, indè etiam huic opinioni non prabet assensum.

III. Ab Ebrais progredimur ad GRÆCOS, & ab his enim, sunt, qui Prusos deducant. Illi autem in diversas abeunt sententias. Alii à MACEDONIBUS & Alexandri M. Ducibus, Prusos putant esse oriundos. Abbas Stadenfis qui Sec. XIII. post Chr. nat. floruit, ad An. 917. cum varias Saxo-  
num Origines enumerasset, addit: *Invenitur etiam, quod reliquie fuerint Macedonum, & mortuo Alexandro per totum orbem sunt dispersi. Quia enim Alexander virtute eorum devicerat Asiam, eo defuncto se illi terra amplius committere non audebant: sed cum 300. navibus receserunt, quæ omnes perierunt exceptis 54. quarum 18. PRUCIAM occuparunt. 12. Rugiã, 24. applicuerunt ad Albiam, quarum una trans Albiam sylvam incoluit & succidit, in qua postmodum sunt inventi & Holzati appellati.* pag. 99. a. Edit, Reineri Reineccii A. n. 1587. Helmstadii. Alii etiam modum determinant, quo Alexandri M. fautores in has oras penetrarint. Gobelinus Persona: Macedones, inquit, quos Alexander apud montes Caspios tanquam sibi fideiiores ad custodiam patriæ reliquerat, audientes eum esse mortuum turbati sunt valdè & perpendentes odium incolarum, per terram redire in Macedoniam desperabant. Quare CCC. navibus preparatis miserunt se in mare Caspium & diu navigantes per mare Oceanum sedes sibi quarebant, sed dum longius oberrabant maris tempestate omnes naves eorum præter 54 perierunt. De quibus tandè XVIII. naves intrabant PRUZZIAM & 12. naves terram Rugen & litora maris propinqua. Et reliquæ XXIV. naves ad ostium fluminis Albie applicuerunt. Hæc ille in Cosmodromio ætate V. cap. XI. fol. 105. Verum hæc esse fabulosa, quis non animadvertit? Cui enim ignotum est  
Alc-



Alexandro Macedone mortuo, Duces ipsius imperium inter se divisisse, & quidem adeò pacatè ut quidam scripserint testamento Alexandri distributas esse provincias. Curt. lib. X. cap. ult. Deindè fabulam illam esse ostendit iter maritimum, quod illi suscepisse fecisseq; dicuntur per mare Caspium, Oceanumq; , sine dubio Septentrionalem. Sed nunquam auditum est à mari Caspio ad Septentrionalem Oceanum, glacie concretum, potuisse institui navigationem, cum mare Caspium nullibi cum Oceano illo sit connexum. Vid. Albert. Cranz. in Præfat. ad Saxoniam.

IV. Alii ex Asia minore, & in specie ex BITHYNIA, gentem Græcam in nostras oras Duce PRUSIA Bithyniæ Rege, venisse referunt; à quo etiam dictam esse volunt *Prusiam*. Primus, quod sciam, hujus sententiæ author est Joannes Dlugossus Historicus Polon. qui sub Casimiro IV. Jagellone floruit. Hic ea de re sic loquitur: *Dum enim Prusias Bithynia Rex apud quem Hannibal Pœnorum Dux à populo Romano victus & fugatus exulavit, suasu Hannibalis temerè contra populum Romanum bellum suscepisset & publicam pugnam non respondentibus fibris, dum extra inspiceret, inire esset ausus (ubi etiam in hunc modum ab Annibale increparetur) At tu, inquit, ô Prusia vitulina caruncula credere madis quam Imperatori probato? Confluctus ergo & superatus Prusias cum Bithyniis gente sua in Aquilonarem oram Romanos fugiens venit, & ex suo titulo Prusia nomen fecit.* Tom. I. Hist. Pol. lib. II. ad an. 997. fol. 114. Præter nomen autem Prusiæ argumentum asseritionis suæ vult esse & linguam Veterum Prusorum, quam Græcam fuisse asserit: *Bithynii autem, subjungens, populi etiam in hanc diem (in Prusia) manent vestigia, quoniam nonnulli Pruteni prisca lingua retinent vocabula & ab Æolicis, Doricis, Atticis & Ionicis populis competenter intelliguntur.* Dlugossum sequitur Matthias à Michovia qui iudem à Prusia Prusos



Prusos dictos esse tradit, secundum quosdam id verum esse statuens, addit etiam, hoc probari ab asferentibus ex Græco sermone. Sic enim ille: Signum hujus asferentes inducunt quod vulgare Gracum loquentes intelligant plerag. verba Pruthenorum ex regione Bithynia Græci sermonis propagata. lib. II. Chron. Polon. c. 8. f. 25. in Corp. Hist. Polon. Tom. II. Quod autem de Græca lingua dicebant Dlogosus & Mechovius, illud, quod ego maximè miror, comprobat & Jodoc. Willichius Resellianus Prusius, qui circa An. 1560. scripsit Commentarium in Cornelii Taciti libellum de moribus Germanorum: Hic parte I. citati Commentarii cap. XIV. p. 476. de Germanorum lucis sacris verba faciens: Quare, ait, pro templis illi (Germani) lucos & nemora consecrata retinuerant, in quibus ceremonia certa per sacrificia habebantur. Vidimus & eam consuetudinem adhuc reliquam Niemonis i. e. hodiè vocati Memeliacolas observare non longè à Regiomonte Borussia, ubi hircos potissimum mactant. Quare Germanica lingua Boeckheiliger h. e. hircorum cultores plerumq. vocantur, eos tamen Illustrissimus Dux Albertus Marchio Brandeb. studiorum singularis Mæcenæ ad veram pietatis Christianæ formam reducere conatus est, iug. sunt veri in illis partibus Borussia, quorum lingua non est Vandalica & admodum peregrina: sed Græca depravata, sicut Gallica & Hispanica ex Latina corrupta ferè nata est, SICUT IPSE USU COMPERI, QUOTIES IPSIS GRÆCISANDO LOCUTUS SUM, ut qui Patriæ meæ vicini sunt.

V. Et cum hoc argumentum à linguæ convenientia desumptum satis stringere videatur, videbimus quid veri asserciones illæ contineant, deinde de nomine Prussiarum aliquid dicturi. Testimonia illa Dlogossi & Willichii omni exceptione majora esse videntur, cum ille disertis asferat verbis Prusos ab Eolicis, Doricis, Atticis & Jonicis populis competenter intelligi. Hic insuper id seipsum expertum esse dicat, quoties

quoties Gracisando illis locutus esset. Sed ego mihi non du-  
cam religioni, hæc omnia in dubium vocare. Nam Dlu-  
gosus ipse paulò ante citata verba dixerat: *Fuit autem pro  
ea tempestate Prutenorum gens sæva & crudelis — speciale ha-  
bens idioma, à Latino tamen aliquantulum derivatum, &  
quod cum Lithvanico habet concordantiam aliquam — unius  
& moris & lingua cognationisque Pruteni & Lithvani Samo-  
gitæque fuisse dignoscuntur — & quamvis gentes ipse in pro-  
nunciatione verborum differunt, quemadmodum Poloni, Bohe-  
mi, Rutheni. Nihilominus in multis conveniunt. Ex quibus  
patet quod Dlugosus Prusis eandem linguam, quamvis  
dialecto differentem, & eandem originem tribuat cum  
Lithvanis & Samogitis. Mox autem velut sui oblitus im-  
mediatè modò allegatis verbis adjicit: *Non unius tamen  
stirpis & lingua fuisse estimantur. Sed Prutenis alia fertur  
fuisse quam Lithvanis & Samogitis origo. Dum enim Prusias  
Bithynia Rex &c. Hic Dlugosum sibi ipsi non constare,  
quivis faciliè animadvertit. Nemo itaque ipsius testimo-  
nio tantum deferret, quantum primà fronte ipsi videbatur  
deferendum. Turpius adhuc sese Willichius dedit. Nam pri-  
mò, cum loco citato agat de Veteribus Prusis, qui Prusica  
lingua adhuc utebantur, debuit cum ipsis loqui in Sudinia,  
ubi superiore Seculo adhuc frequentissimi erant Deindè  
si sapius ipsis Gracisando locutus est, ipsosque intellexit,  
necessarium fuit, ut maximam lingua illa convenientiam  
habuerit cum Græca, nec oportet eam adèò fuisse corru-  
ptam ex Græca ut Hispanicam & Gallicam ex Latina, utpote  
quæ etiam à Latinè doctis intelligi non possint ob diversis-  
simam flexionem verborum, & pronunciationem diversis-  
simam. Tandè necessarium etiam fuit ut exacte sciverit lin-  
guam Græcam, de eaque potuerit judicare, eam apud Prus-  
sos fuisse corruptam. Verum an hæc ita se habere possint,**



judicet Lector ex aliis Willichii verbis, quæ reperiuntur  
Part. II. Comment. in lib. Taciti de morib. German. cap.  
XXV. pag. 631. seq. Cum enim ipsi objiceretur de succino:  
*Jodocus est Borussus & succini naturam non probè descripsit.*  
Respondet ad hanc objectionem: *Fateor quidem me esse*  
*Borussum eumq. Resellianum sub Episcopatu Warmiensi, qui est*  
*& Heilsbergensis; Sed post Parentum meorum mortem statim*  
*in prima ætate vixdum quatuordecim annos natum in Mar-*  
*chiam Brexnopyrgensem, ubi est Francofurdiana Academia per-*  
*venisse. Et cum studia sua Francofurti instituta recensuisset,*  
*addit: ubi Bucolica Virgilii enarrare incepti atq. Commentaria*  
*qualiacumq. sub prelo excusa sunt. In quibus cum locus de electro*  
*explicandus esset, multos meos cives consului, ut veritatē pro vi-*  
*rili adumbrarem. Si quidem eam partem nunquam in mea vi-*  
*ta vidi, cum ne partes quidem mee Patriæ satis pro dignitate*  
*perlustrarim. Si igitur in prima ætate vixdum quatuordecim*  
*annos natus Prusiam reliquit, partibus Patriæ suæ i. e. tra-*  
*ctus Reselliani, nondum satis perlustratis, quomodo igitur*  
*cum Prussis Veteribus, adhuc adolescentulus, in tantâ rena-*  
*centium tantummodo in Prussia literarum caligine, sæpè*  
*Græcisando loqui potuit? Sed certè daremus hæc omnia*  
*fieri potuisse, præsertim cum quamplurima exempla te-*  
*stentur, alia ingenia præ aliis magis efflorescere. cum et-*  
*iam non ignoremus, non tantum in Sudinia superiori Se-*  
*culo repertos fuisse lingua Veteri Prussica utentes, sed etiam*  
*in aliis locis Prussiæ, ut in vicis & pagis tractus Warmiensis*  
*teste Cromero Episc. Warmiens. lib. I. Hist. Pol. c. V. fol.*  
*409. Tom. II. in Corp. Hist. Pol. item in Natangia & circa*  
*Velaviam, ut patet ex Præfatione Catechismi Prussici Veteris*  
*operâ Illustriss. Ducis Alberti procurati & An. 1545. hic Re-*  
*giomonti impressi. Daremus, inquam, illa fieri potuisse,*  
*si modò aliquam linguæ Prussicæ convenientiam cum Græ-*

ea deprehendere possemus. Nullam autem reperiri con-  
 venientiam cognoscere possumus ex illis testimoniis, quæ  
 linguam Prussicam Veterem ferè eandem fuisse asserunt  
 cum Lithvanica. Audivimus jam illud asserentem Dlu-  
 gossium. Cromerus lib. I. cap. V. fol. 409. *Quorum, inquit,*  
*(nempe Prusorum) extant adhuc reliquie quadam in vicis*  
*& pagis tractus Varmiensis & Sambienfis linguæ autentes Lith-*  
*vanica non absimili.* Et lib. III. fol. 442. *Livonos, Lithva-*  
*nos, Samogitas & Prussos vetus nomen retinentes eadem in-*  
*ter se lingua vulgò uti dicit, tantum quod multas voces Lati-*  
*nas admixtas esse asserat.* Gvaginus etiam in Descript. Prus-  
 siæ dicit de Prussis: *Idiomate proprio, à Livonico non dissi-*  
*mili utebantur.* Severinus Göbel tractatu cit. cap. III. dicit:  
*Ihre (der Sudawen) Sprache ist nicht ganz frembde von der*  
*Littauschen.* Jam verò Lithvanicam linguam ex Græca ori-  
 undam esse nobis non persuadebitur. Multò potiori jure  
 nos eam ex Venedica sive Slavonica lingua deducere pos-  
 semus, cum magna pars Lithvanicarum & Prussicarum vo-  
 cum sit Slavonica. Deindè quod supra diximus Prussicam  
 linguam non convenire cum Græca, id probare etiam  
 possumus ex reliquiis Veteris Linguae Prussicæ. Ex supra-  
 memorato itaque Catechismo Prussico huc quædam addu-  
 cemus, addito Græco & Lithvanico textu, ex quorum col-  
 latione magnam Linguae Prussicæ cum Lithvanica, nullam  
 cum Græca deprehendemus convenientiam. Majorem et-  
 iam cum Lithvanica deprehendent similitudinem, qui va-  
 rias Dialectos Linguae Lithvanicæ norunt.

### Oratio Dominica sic sese habet:

Græcè.

Πάτερ ἡμῶν ὁ ἐν ἔργοις. ἀγαθὴ τὸ ὄνομά σου. ἐλθέτω  
 ἡ βασιλεία σου. Γενήθῃ τὸ θέλημά σου, ὡς ἐν ἔργῳ. καὶ ὦτις  
 τῆς



της γῆς. Τὸν ἄγιον ἡμῶν τὸν ἐπισκοπὸν δὸς ἡμῶν σήμερον καὶ ἀφ' οὗ  
 ἡμῶν τὰ ὀφειλάματά ἡμῶν, ὡς καὶ ἡμεῖς ἀφιερωτοῖς ἐφειλέταις  
 ἡμῶν, καὶ μὴ ἐστέγκης ἡμᾶς εἰς πηρασμὸν, ἀλλὰ ῥύσαι ἡμᾶς  
 ἀπὸ τοῦ πονηροῦ.

Prussicè,

Thawen nufon Fas ru asse andangon. Swintins wiirst  
 rwoais enimens. Pergais rwoais laeims rwoais quaito  
 audasseisin/ andangon/ Fey na semmey. Tusan geittin  
 dais numons schindeinan. Ba arwerpeis noumans nufun  
 auslautuns. Fay mas arwerpinay nufon auschaut nika-  
 mans. Ba ny wedais mans en perdandan/ Sclait is  
 rankeis mans asfa wargan.

Lithvanice,

Terwemusu furis essi dangui. teessie Swenczamas  
 wardas tarwo. Te atcit tarwo karaliste te ny ji dūdie  
 tarwo walle taip dangui/ taip ir ant žemes. Dūna musis  
 diemistka dūk mums bendiena. atleist mums musis kaltes  
 taip mes atleidziam sawiemus kaltemus. Ne dūk mus  
 wesi y piktā pagundima/ Bet gelbet mus nu piktō.

Symbolum Apostolicum sic habet:

Gracè,

Πιστεύω εἰς Θεόν, Πατέρα παντοκράτορα, ποιητὴν οὐρανοῦ καὶ  
 γῆς. καὶ εἰς Ἰησοῦν Χριστὸν τὸν υἱὸν αὐτοῦ τὸν μετ' οὐρανὸν κείμενον ἡμῶν.  
 συλληφέντ' ἐκ πνεύματος ἁγίου, γεννηθέντ' ἐκ μαρίας τῆς παρ-  
 θένος, Παθόντ' ὑπὸ Πιλάτῃ, σταυρωθέντ', θανάτῳ, ταφέντ',  
 κατελθόντ' εἰς ἅδην, τῇ τρίτῃ ἡμέρᾳ ἀναστάντ' ἐκ νεκρῶν. ἀνελ-  
 θόντ' εἰς οὐρανὸν καθεζόμενον ἐκ δεξιῶν Θεοῦ τοῦ πατρὸς παντοκρά-  
 τορος, ὅθεν μέλλει ἔρχεσθαι κρῖναι ζῶντας καὶ νεκρούς. Πιστεύω  
 εἰς πνεῦμα ἅγιον. πιστεύω ἀγίῃ ἐκκλησίᾳ καθολικῇν, ἁγίων  
 κοινωνίαν. Ἀφαισιν ἀμαρτιῶν. Σαρκὸς ἀνάστασιν. καὶ ζωὴν αἰώνιον.

Prussicè,

As drowe an Deirwan Thawan/ wifnosing/ Fas  
 asf taykowuns dangon ba semmin. Ba an JEsu  
 Christum swaian ainan sunun Reltian nufun. Fas  
 pati



Parikors ast affastan naseilon Swintan/ Gemmons af  
 sasan Jungfrauen Marian/ Stenuns po Pontio Pilato/  
 scripsit/ aularuns ba encops/ Sammar lesuns prey pe-  
 kollin/ Tirtin deinan at skubuns affa gallans. Unsey  
 gobuns andangen. Sindats preitickray deitwas Tha-  
 was wisnosingis/ Siwendau pergubuns wirst preileit  
 ginwoy stans geirwans ba auzawussens. As drowe an  
 naseilon swintan/ ainan swintan krixstianistum Rirkin/  
 ainan perroniston Szwintan. Et werpsannan grecon.  
 At Ihsenna menschon. ba prabitseun geirwin.

Lihvanicē.

Aš tikliu y Diewa Tera wisgalinti/ suworeji  
 Dangaus ir zemes. Ir y Jesu Chriſtu io wien gimmit-  
 su Sunu wiespari nusi/ kirs Prasideies nu dwases  
 Szwencos/ gimmes is Maryos Mergos ezyſtos Kentes  
 ies po Pomku Pilotu/ nukrizawotas/ numirres ir palay-  
 dotas/ Tuzenge y patla/ treczoi dienoj kelesi is numir-  
 rus/ uz zenge ant dangaus. Sed po defines Dieros  
 Teroo wusſogalinczo/ is te pareis suditu gywus ir miz-  
 rusus. Aš tikliu y dwase Szwenta/ Swenta Kriſts  
 ezoniſka baznecia. Szwentiņu draugiste. atadim-  
 ma grieku. tano is numirrusu prifalimma. ir amžina gi-  
 wota.

Ex his ne unica quidem vox Prussica cum Græco  
 convenit, nisi quis obijcere velit particulam *kay* sive *key*  
 quod cum Græco *κα* convenire videtur ut ex collatione  
 apparet. Sed neq; hæc particula Græcam habet originem.  
*Key* enim sive *kay* hic non est idem quod Græcum *κα*, sed  
 idem est quod *ως*, quemadmodum, & coincidit cum Lithva-  
 nico *kapp*. Græcum verò *κα* Prussis est *ba*. Tandem eisi  
 daremus Prussicæ & Lithvanicæ linguæ convenientiam  
 quandam esse cum Græca (quod de quibusdam, paucissi-  
 mis tamen, vocabulis dari potest) indè tamen probari non  
 posset Prussos ex Bithynia oriundos fuisse à Rege Prussia.



Nam potuissent aliundè pauculas illas voces accipere Prus-  
si, & quidem longè commodius. Videlicet notum est Russos  
à Græcis non modo literas, sed etiam religionem suam acce-  
pisse. Indè sæpius etiam Helmoldo Russi Græcorum appel-  
latione insigniuntur, ut lib. 2. Chron. Slav. c. 13. l. 4. c. 26.  
Vid. Bankertus in Notis ad lib. 1. Helmoldi cap. 1. pag. 3.  
Russi itaque à Græcis quædam acceperunt vocabula; Prussi  
verò à Russis, non à Bithyniis. Nomen Prusiæ Regis hic  
non facit ad rem. Nam Prusiam Regem in Prusiam non  
venisse cognoscimus ex Justinii lib. XXXIV. cap. 4. ubi re-  
fert Prusiam à filio esse regno spoliatum, etiam à servis de-  
sertum. Et eum in latebris ageret non minori scelere, quam  
filium occidi iusserat à filio interfectum. Si verò objicias  
potuisse alios Prusiæ Regis fautores, qui ipsi eadem filii sua-  
serant, iram filii metuentes, in has terras profugisse, & ab e-  
jus nomine Prusiam appellasse. Neq; hoc quidquam ad  
rem facere dicemus. Si enim huc concessissent, statim post  
ingressum à nomine Prusiæ Prusiam appellassent, cum ta-  
men notum sit, nomen Prusiæ nostræ multis seculis esse  
recentius ut postea ostendemus,

VI. Sunt etiam, qui, vanitatem prioris sententiæ a-  
nimadvertentes, Prusos antiquos à BRUCTERIS Germa-  
nicis populis in has oras transgressis, Prusiæ nomen acce-  
pisse existimant. Quà de re Jacobus Spigelius: *Strabo au-*  
*thor est, ait, circa Amasin fluvium Bructeros habitasse. Hos*  
*Drusus navali pralio superavit. Undè ab Austro in Aquilonem*  
*delapsi ad Oceanum hodiè Pruteni putantur. Facile namq; Bru-*  
*cteros in Prutenos convertit.* in Scholiis ad Ricardi Bartholi-  
ni Perusini lib. II. Austriados in fin. fol. 517. inter Script.  
German. à Justo Reubero editos. Sed & hæc sententia faci-  
lè exploditur. Certum quidem est, quod Strabo asserat  
Bructeros à Druso superatos lib. VII. Geographiæ in pr.  
Conf.

Conf. Tacitus lib. 1. Annal. c. 51. Sed illos post hanc pugnam  
usque in Prussiam nostram penetrasse, neque Strabo neq;  
Tacitus asserit. Imò postea primo Principatus Trajani  
anno Romæ nunciatum erat, Bructeros fuisse à Chamavis  
& Angrivariis pulsos ac penitus excisos, teste Tacito lib. de  
morib. Germanor. c. 33. Quoniam verò reliquæ Bructero-  
rum concesserint, difficile dictu est. Phil. Cluver. eos col-  
locat super Rheni ripam inter Agrippinensem Coloniam  
& confluentes Mosellæ. Vid. Cluver. lib. III. Germ. Antiq.  
cap. XIV. Neque etiam nomen Bructerorum adeò simile  
est nomini Prutenorum, ut in illud potuerit transire.

VII. Antequam ad veriores, vel saltem verisimilio-  
res progrediamur opiniones, non omittendū est illud, &  
Chronica nostra Prussica sive sint typis impressa, sive etiam  
adhuc MS in Bibliotheca Electorali asserventur, parum so-  
lidi nobis de Originibus Prussicis afferre, cum ab homini-  
bus plerumque imperitis sint conscripta. Pudet me tædetq;  
fabularum, quibus illi volumina sua inferciunt. Et licet a-  
liquando vera videantur proponere, ea tamen tot figmentis  
involvunt, ut & hæc quæ verè contigisse credibile est, in-  
dubiū fermè vocare cogamur. Exempla in sequentibus oc-  
current, jam tantum quædā, quæ huc facere videntur sub-  
jiciemus. Chronicon quoddam MS. Authoris incerti sta-  
tum fol. 1. refert, Augusti Imperatoris tempore quosdam  
Astronomos in quadam Bithyniæ urbe *Satura* disputasse,  
de populis in Prussia habitantibus, misisseque quosdam  
Astronomos ad explorandas has regiones; ex quibus uni-  
cus tantum nomine *Divones* reversus, hæc nunciasse fertur:  
non habitasse in Prussia constanter unam gentem, sed mo-  
dò appellatam esse *Sargagam*, ab aliis *Geliden* & ab aliis rur-  
sus *Vatiniam* &c. Eorum Principem dictu vocatum fuisse,  
MASO cui Prussici illi populi etiam liberos suos tributum  
loco



loco pendebant. Habet hæc etiam ex citato Chronico Mat-  
thæus Weisselius in Chron. Pruss. p. 7. uterq; verò ex Chri-  
stiani primi Episcopi Prusis Chronico. Addunt alii Prus-  
sos primis illis temporibus tributarios fuisse Principibus  
Masovis *Antonio* filioque ejus *Czanovigio* donec tandem  
à Scandinavis illa servitute liberarentur. Casp. Henneber-  
gerus in tract. de Vet. Pruss. pag. 6. Sed nugas illas esse  
dicet, quicumque vel à limine salutavit Historiam Poloni-  
cam. Hæc enim de Masovia sequentia nobis tradit. Cum  
totum regnum Polonicum Sec. XI. in impotens Rixæ Re-  
ginæ dominium concitatum esset *Maslans* quoque  
sive *Masos* Pincerna Regis Miecislai II. Dominatum in  
tractu Plocensi arripuit eamque terram à suo nomine Ma-  
sovia appellavit. Dlugos. Tom. I. lib. III. Hist. Pol. fol.  
187. seq. ad an. 1040. Cromer. Neugeb. & alii. (Quamvis  
Stanislaus Sarnicius lib. I. Annal. Polon. f. 34. *Masovios* à  
*Masfagetis* nomen habere statuat, nec probet illam deriva-  
tionem nobilis populi à vili homine Maslao) Indè cum  
Casimirus I. Rex Pol. Ducatum Masovia à Maslao tyranno  
recepisset, semper etiam annexus fuit Regno Polonia, do-  
nec tandem An. 1220. Lescus Albus Dux Pol. eundem attri-  
buerit Conrado fratri suo. Indè Masovia Duces suos habere  
cepit. Quod si hæc vera sunt, quomodo itaque Prussi  
Ducibus Masovia *Antonio* & *Czanovigio* subjecti esse po-  
tuerunt? quomodo nomen illud Masovia ante tempora  
Scandianorum notum esse potuit, quod multis seculis post  
demum innotuit? Utracumque Chronica nostra nullum an-  
tiquum authorem potuisse pro sententia sua confirmanda  
proferre. Cætera quoque jam prætereo.

VIII. Cum itaque ex Scriptoribus nostris nihil cer-  
tè cognoscere liceat, antiquorum Scriptorum Monumen-  
ta perlustrabimus, & multò veriora illos de gentibus his  
tradi-

tradidisse comperiemus. Apud antiquos obscura quidem sunt gentis nostræ indicia, non tamen planè sunt nulla; idque ob succinum quod nostris in oris antiquissimis etiam temporibus collectum, per orbem distrahi solebat. Ex ea itaque ratione novimus jam longè antè tempora *Herodoti Halicarnasæi* antiquissimi Historicorum (qui vixit sub Monarchia Persica, tempore Artaxerxis Longimani Olymp. 84.) homines in Prussia nostra habitasse, qui succinum colligebant. Communi enim tum ferebatur famâ, populos quosdam in extremitatibus Europæ ad fluvium *Eridanum* succinum colligere; cui tamen ipse Herodotus fidem non habet: *De extremitatibus*, inquit ille, *Europa quod pro comperto referam non habeo. Neq; enim assentior fluvium quendam esse Eridanum à Barbaris vocitatum qui subit mare ad septentrionem spectans, undè electrum venire narratur. Nam vel ipsum coarguit nomen Eridanus quod Grecum est, non barbarum ab aliquo Poëtarum fictum. Sed etsi hoc studiosè quasi vi, à nemine, qui ipse viderit, accipere potui, quomodo se habeat mare ad illam Europa partem. Ab extrema itaq; ad nos venit flammum electrumq;.* Hæc Herod. lib. III. qui inscribitur *Thalia*. mult. post. med. pag. 234. Non tamen turbare, quempiam debet, quod adeò dubiè loquatur, imò fidem nullam habeat relationi de Eridano. In tanta enim peregrinantium infrequentia mirum non est rem hanc totam plurimis fuisse involutam fabulis, adeò ut Historici nesciverint quid literis hac de re prodere debuerint. Jam antè Herodotum *Æschylus* aliique Poëtæ finxerant: *Pbaetontis fulmine icti sorores fletu mutatas in arbores populos lacrymis electrum omnibus annis fundere juxta Eridanum amnem quem Padum vocamus. Et electrum vocatum, quoniam Sol vocitatus est elector plurimi Poëta dixerunt, primique, ut arbitror, Æschylus, Philoxenus, Nicander, Euripides Satyrus.* ait

C

Plin,



Plin. lib. XXXVII. cap. 2. circa fin. Videbant quidem Viri prudentes hæc esse Poëtarum somnia, videbant tamen simul, aliquid veri sub his fabularum involucris inveniri; *Quod esse falsum*, pergit porro Plinius, *Italia testimonio patet. Diligentiores eorum Electridas insulas in mari Adriatico esse dixerunt, ad quas dilaberetur Padus. Qua appellatione nullas unquam ibi fuisse certum est. Nec verò ullas ibi appositas esse in quas quidquam cursu Padi deveniri possit. Hinc scrutati sunt Eruditi, ubi Eridanus ille succinum vehens, ubi Electrides insulæ ab electro sive succino ita dictæ, ubi succinum ipsum reperiretur. Alius hic alio propius rem tetigit. Et certe conatus Herodotum non fefellisset, nisi ipsum nomen Eridani non barbarum, dubium tenuisset. Licet meminisse poterat, hoc nomen à Græcis potuisse corruptum, esse, aut planè à Græcis amni illi impositum, ut eo commodius peregrinationes eò institui possent ad mercaturam exercendam. Et certè corruptum illud nomen fuisse ex nomine fluminis propè Dantiscum, die Naddurne / dicti, suspicatur P. Cluverus Dantiscanus Prussus lib. III. German. Antiq. c. 34. post med. & ex eo Joan. Micrælius lib. I. Chron. Pomeran. num. IV. p. 4. per *Electrides* autem intelligunt illi das grosse Werder / die Nârung: Micrælius addit *Samlândiam* l. c. num. 5. p. 6. Quæ ut satis probabilia rejici non posse videntur.*

IX. Ergò jam sic satis constat, ante tempora Herodoti, imò antè tempora Æschyli Poëtæ habitasse in Prussia homines succinum colligentes, quinam autem illi fuerint, nondum apparet. ULMIGEROS sive *Hulmigeros*, vel etiam *Ulmigaves*, item *Ulmiganos* illos appellant passim Scriptores nostri. Vid. etiam Erasm. Stella lib. I. & II. Antiquit. Pruss. Æn. Sylv. in Descript. Europ. c. 29. Corrupta hæc sunt nomina ex ULMERUGIS, de quibus Jornandes & nos

ex eo insequentibus. Sed adhuc dubium est, utrum Jor-  
nandes per *Ulmerugos* intelligat incolas Prussiae. Probabi-  
lius enim est *Ulmerugos* ipsi esse *Rugios* in Pomerania. Pro-  
lemæus qui vixit sub Antonino Philosopho Imp. in his  
terris collocat VENEDAS sive VINIDAS Sarmaticas gen-  
tes, Tenent, inquit, *Sarmatiam gentes maxima. Veneda*  
*per totum Venedicum sinum* (sic appellabatur Sinus Codani  
pars qua Prussiam, Curoniam & Livoniam attuit) — *Mi-*  
*nores autem gentes tenent Sarmatiam penes l'istulam quidem*  
*fluvium sub Venedis Gythones* — *Iti omnibus orientiores*  
*sunt sub Venedis quidam iterum Galinde, & Sudeni & Slavani*  
*usq. ad Alaunos.* lib. III. Geogr. cap. V. fol. 81. seq. Edit.  
Græco-Latinæ Sansonii. In hoc quidem fallitur Prole-  
mæus, quod putet suo tempore adhuc Venedas per totum  
sinum Venedicum habitasse; (notum namq. est illo tem-  
pore quo vixit Prolemæus jam Gothones & Æstios has oras  
tenuisse) at quod antiquissimis temporibus ibi Venedæ  
suas sedes habuerint, id in dubium vocari non potest. Unde  
enim Sinus Codanus nomen Sinus Venedici accepisset nisi  
à Venedis accolis. Probare idem videtur Ph. Cluverus ex  
illis Livoniæ locis. *Wenden/ Windau/ Uichenwende* / sed lo-  
ca hæc multò sunt recentiora, quam ut inde Venedas gen-  
tes Sarmaticas ibidem habitasse colligere queamus. Hæc  
nomina namque à *Vinnone* Magistro Ordinis Ensisferonum  
in Livonia sunt locis illis, ut à conditore, imposita. Vid.  
*Chronica Deutscher Ordens* sive ut alii citant *Hohemeister*  
*Chronick* ab Episcopo Paderbornensi scribi cœpta fol. 41.  
Probabilius illud argumentum est, in his oris habitasse Ve-  
nedas, quod Græcorum antiquissimis occasionem dedit  
singendi in Italia in Venetorum regione flumen Eridanum,  
(Padus est vero nomine) à quo succinum, sive, ut illi vo-  
cabant electrum veniret; quum id in Venedorum litore ad



Vistulæ usque ostia omni ævo legeretur. lib. III. Germ. Antiq. cap. XLIV. in pr. Aliam tamen fabulæ hujus occasionem expressit Plinius quando dixit: *Affertur à Germanis in Pannoniam maximè provinciam. Inde Veneti primum, quos Græci Henetos vocant rei famam fecere, proximi Pannonia, id accipientes circa mare Adriaticum. Pado verò annexa fabula videtur causa, hodieq; Transpadanarum agrestibus fœminis monilium vice succina gestantibus, maximè decoris gratia.* lib. XXXVII. Nat. Hist. cap. 3. An verò VENEDÆ Sarmaticæ gentes ejusdem sint Originis cum VENETIS Italiæ populis, quos à Græcis *Henetos* dici, Plinius affirmat; quosque ab HENETIS in Paphlagonia deducunt multi, nos non disputamus: cum de rebus adeò vetustis, præsertim ubi desunt rationes probabiles, judicium ferre sit perquam difficilè. Vid. Mart. Cromer. lib. I. de Ortu. & reb. gest. Polon. Stanisł. Sarnitius in Annal. Polon. libb. tribus prioribus. Henricus Bankertus in Not. ad Helmoldi lib. I. Chron. Slav. c. 2. & alijs.

X. Antiquissimi itaque Prussiæ incolæ fuerunt VENEDÆ & Venedarum populi *Galindæ, Sudeni, Slavani* alijque. Sed antiquissima etiam perhibetur fuisse migratio GOTHORUM in oras Prussicas ex *Scantia* sive *Scanza* vel ut alij multi pronunciant *Scandinavia*, quæ est hodierna Svecia & Norvvegia. De hac migratione Jornandes Sec. VI. Scriptor (quem alij Gordianum appellant) sic loquitur: *Ex hac igitur Scanzia insula quasi officina gentium, aut certè velut vagina nationum cum Rege suo nomine Berig Gothi quondam memorantur egressi, qui ut primum è navibus exeuntes terras attigere, illico loco nomen dederunt. Nam hodiè illic, ut fertur Gotbiscanzia vocatur. Undè mox promoventes ad ad sedes Ulmerugorum, qui tunc oceani ripas insidebant, castrametati sunt, eosq; commisso pralio proprijs sedibus pepulerunt*

runt eorumque vicinos Vandalos jam tunc subjugantes suis applicuere victoriis. Ibi verò magna populi numerositate crescente, etiam penè quinto Rege regnante, post Berig, Filimer, Filogud, Arigis consilio sedit, ut exindè cum familiis Gothorum promoveret exercitus, qui aptissimas sedes locaq, dum quæreretur congrua, pervenit ad Scythia terras, qua lingua eorum Ovim vocabantur. Probat hæc postea Jornandes ex antiquis Gothorum carminibus. Lib. de Reb. Geticis cap. IV. Edit. Gro-tianæ. Ex Jornande sua hausit Johannes Magnus in Histor. Svedica, qui etiam annum determinat, quo hæc migratio Gothorum ex Scantia contigerit in Pomeraniã & Prusiam. Nempe dicit fuisse Annum post mund. cond. 2531. Et post Diluv. 875. & ante Chr. nat. 1430. tempore Othonielis Judicis in populo Israelitico. Huic opinioni de Gothorum ex Scanzia migratione opponit se Ph. Cluverus lib. III. German. Antiq. cap. XXXIV. fol. 132. ubi, *Jornandem fabulis suis contaminasse potius, quam illustrasse gentem Gothicam*, dicit, & postea ait: *Jornandem se prabuisse ineptissimarum nugarum posterioribus hominibus Ducem*. Etcum verba Jornandis de hac migratione prolixè commemorasset, hæc subjicit: *Ergò in iis qua in medium adduxi primum miror quisnam aliquot jam ante Trojanum bellum seculis migrationẽ Gothorum è vagina illa nationum Scanzia adnotaverit: undè eam bis mille circiter post annos habere potuerit vel Jornandes vel Dexippus vel deniq, Ablavius? Ipsorum Gothorum carmina qua ab Ablavio allegat Jornandes ad ea spectare tempora, qua Christi Jesu nativitatem aliquot seculis subsecuta sunt infra patebit: Joannes verò Magnus Archiepisc. Upsaliensis quod Gothorum etiam antè exitum è Scandinavia XIII. Reges nominatim enumeravit; Id sanè de suo, multo Jornande vesanior ad-fingere ausus est, è cujus Historia, sic aqua Duce Jornande è Germaniarum, Gothorum & Scytharum rebus gestis suis Gutis falsò*



adstruxit, demas, vix tertia pars universi operis manebit. Hæc  
& alia Vid. ap. Cluver. l. c. Verùm Hugo Grotius in Prole-  
gomen. ad Histor. Gothorum, Vandalorum & Longobard.  
p. 14. & seqq. fusè Jornandis sententiam & relationem pro-  
pugnat, quamvis multò recentiore hanc migrationem fa-  
ciat, quam fecit Joannes Magnus. Videlicet statuit hanc  
migrationem contigisse annis plus trecentis ante Christi  
tempora. *Primum* pro Jornande suo desumit argumentum  
ex Actis publicis Legum, Judiciorum, Rationum, ubi no-  
men hoc Gothorum in Svedia, sive Germanicâ sive Latinâ  
linguâ semper idem invenitur. *Secundum* argumentum,  
depromit ex Historiis exterarum Gentium, Moscovitarum,  
Slavorum, Anglorum, Hispanorum, apud quas semper cre-  
ditum est Gothos prodiisse è Scanzia sive hodierna Svedia.  
Profert *tertio* ex incerti Scriptoris Chronico Slavico, quod  
Marinus Episcopi Romani Legatus cum circa An. 1467. in  
Svediam venisset, abstulerit indè libros, quos dicebantur  
Gothi olim circa An. 378. cum Romam & vicina raptarent,  
abstulisse. Affert *tandem* ex Ptolomæo, & qui eum sequi-  
tur, Martiano Heracleota, in Scandiarum maxima, quam,  
& propriè Scandiam dicunt vocari, & quidem ad meridiem,  
ubi & nunc reperiuntur jam tum fuisse *Gutas*, quod nomen  
idem est cum *Gothis*. Verùm hæc adhuc nihil videntur sen-  
tentia Cluveri nostri derogare. Nam consensus ille gen-  
tium exterarum nititur relatione Jornandis, & quos hic  
sequitur, Dexippi & Ablavii, qui, ratione habitâ ad antiqui-  
tatem migrationis illius, Scriptores nimis sunt recentes.  
Idem de Actis publicis dici potest. Chronicon illud Sla-  
vicum incredibilia tradit. Notum enim est Gothos qui  
Romam vastarunt non immediatè prodiisse ex Svedia, sed  
à Ponto Euxino, quo jam tum à mari nostro Baltico erant  
progressi. Jornand. l. c. cap. IV. Nec eosdem in Sveciam  
rediisse

rediisse post vastatum Imperium Rom. probati poterit,  
quomodo itaque Româ libros in Svediam potuerunt trans-  
ferre? De Gutis Ptolemæi incertum est, an fuerint in Scan-  
dia *αὐτοχθόνες* an verò à Gothis aliis oriundi, eò penetra-  
rint? Hæc & alia pro Cluvero nostro possumus ad Grotia-  
na illa reponere.

XI. Verùm, siue *Gothi*, (qui & *Gothones*, *Guthones*,  
*Guta*, *Gythones* dicuntur) ex Scantia fuerint in has oras  
progressi, ut Jornandes vult, siue etiam fuerint in nostris or-  
is *αὐτοχθόνες*, ut Cluverus velle videtur. Hic nobis ulte-  
rius dispiciendum est, quousque in Prusiam Gothones fu-  
erint progressi. Æneas Sylvius, Erasmus Stella aliique no-  
strates Historici ex Jornande referunt Gothos *Hulmigeris*  
expulsis eorum terram occupasse in ripa Vistulæ orientali  
inter Oslam & Drebniz amnes, quæ *Hulmigeria* postea se-  
cundùm ipsos appellata est *Culmigeria*. Sed jam supra in-  
nuimus, Jornandem non scripsisse *Ulmigeros*, ex quo voca-  
bulo deinde fieri potuerint *Culmigeri*: sed *Ulmerugos* per  
quos rectius intelliguntur *Rugii* Pomeraniei populi. Phil.  
Cluverus lib. III. Germ. Antiq. c. 34. Gothis hos constituit  
terminos, nempe Gothos perhibet ab oriente habuisse Vi-  
stulâ, & ubi is in duos scinditur cornua inter Pölplin & Stum,  
alveum ejus orientalem qui dicitur Nogat, præterfluitque  
Mariæburgum, indè propè Elbingam in lacum effunditur.  
Hinc verò ipsum lacum ad ostium usque, quo is inter duos  
vicos Balge & Pillau Oceano miscetur. Secundum Clu-  
veri igitur sententiam Gothi siue Gothones tenuerunt tum  
hodiernam Pomerelliam, item das grosse Werder & die  
Närung. Sed nos longius progressos esse Gothonos arbi-  
tramur. Cum enim Pytheas (qui CCL. annis vixit post  
Herodotum, sub Ptolemæo Philadelpho) testetur apud  
Gothos siue Gothones legi succinum apud Plin. XXXVII.  
cap.



cap. 2. circa fin. Succinum autem cum maximè in hodierna Sudinia inveniatur, & tum sine dubio inventum sit, probabile est Gothones jam tum & Sudiniam tenuisse. Confirmamur in ea sententia, quoniam Pytheas refert Gothones æstuarium accolare quod dicitur *Mentonomon*. Per æstuarium illud intelligit lacum, das frische Nass/dictum, licet circa magnitudinem ejus erret; aut si mitius loqui velimus error aliquis negligentia librariorum irrepsit, adeò ut pro ἑξακισλίων σταδίων i. e. sex millium stadiorum, scribendum & Plinio legendum fuerit ἑξακοσίων σταδίων i. e. sexcentorum stadiorum. Mentonomon autem dicebatur forsitan à Medenau vico Sudiniæ, quæ est conjectura Micraelii lib. I. Chron. Pom. num. 6. pag. 7. Quod si verum est, concludi posse certum est Sudiniam tenuisse Gothos. Medeuau enim non Sarmaticum Venedarum sed Germanicum, Gothorum vocabulum est; cum terminatio *au* Germanica sit, significans terram, ut in his Morau/ Nassau/ Betau/ Welau &c. Nec legimus, quod ego quidem sciam, vicum illum Medenau ut & alios Girmau &c. ab Ordine Theutonico esse conditos, adeò ut indè colligere liceat, à Gothis adhuc illa vocabula remansisse. De reliqua parte Prusiæ id asserere possumus, paulò ante Christi nati tempora Venedicos sive Sarmaticos populos eam adhuc possedisse. Illud tandem prætereundem nobis non est, Gothos sive Gothones à multis & vetustis & recentioribus Historicis appellatos etiam fuisse GETAS, quamvis malè illud factum esse probet Cluverus lib. III. Germ. Antiq. cap. XXIV. quem hic exscribere nolumus. Hoc tantum addimus Prussos etiam ipsos, quoniam *Gothi* fuerunt, etiam appellari *Getas* à quibusdam, ut à Vincentio Kadlubkone Historico Polonico in fin. Sec. XII. apud quem Prussi perpetuò ferè audiunt *Geta*. Vid. I. 3. epist. 31. & lib. IV. c. 19. & alibi. Huc

etiam

etiam forsan collimat antiquus Scholiastes in Adamum, Bremensem num. 87. ubi dicit: *Gothi à Romanis Getæ vocantur, de quibus Virgilius dicere videtur:*

— — — — *acerq; Gelonus.*

*Cum fugit in Rhodopen atq; in deserta Getarum*

*Et lac concretum cum sanguine potat equino.*

*Hoc usq; hodiè Gothi & Sembi (Samländer) facere dicuntur, quos ex lacte jumentorum inebriari certum est. Hæc ille. Quod autem Prusli olim biberint sanguinè equinum, lac & aquam, id testantur Adam Brem. de Situ Dan. p. 147. Chronica Deutsches Ordens fol. 19. a. & Casp. Henneberg. in Tract. de Vet. Prusl. p. 5. b. ex Jeroschini antiquo Chronico. alii.*

XII. A Scriptoribus qui post Christum natum vixerunt, in Prussia nostra collocantur ÆSTII, qui sese extendebant per Prussiam, Samogitiam, Curlandiam & Livoniam usque ad sinum Finnicum, ubi adhuc hodiè *Esthonia* Æstiorum conservat memoriam. Tacitus in lib. de Morib. Germ. in fin. de illis sic loquitur: *Ergò jam dextro Suevici (Balthici) maris littore Æstiorum gentes alliuuntur, quibus ritus habitusque Suevorum, lingua Britannica propior. Matrem Deam venerantur, insigne superstitionis formas agnorum gestant, id pro armis omniumque tutela securum Deæ cultorem, etiam inter hostes præstat. Rarus ferri, frequens fustium usus. Frumenta cæterosque fructus patientius quam pro solutâ Germanorum inertia laborant. Sed & mare scrutantur; ac soli omnium succinum quod ipsi glessum vocant inter vada atq; in ipso litore legunt. De iisdem Æstiiis Jornandes Sec. VI. de Reb. Geticis cap. V. p. 6: 5. 616, agit, ubi etiam addit, *Vidioarios*, sive quemadmodum alii legunt *Viridarios*. (Die Werderschen.) *Ad litus autem, inquit, Oceani, ubi tribus faucibus fluenta Vistule fluminis ebibuntur, Vidioarii resident, ex diversis nationibus aggregati, post quos ripam Oceani IT-**



*MESTI* (alii legunt *ESTII* sive *ÆSTII*) tenent pacatum hominum genus omnino. Et cap. 23. p. 643. cum de Venedis, Antibus & Slavis egisset, addit: *Æstorum* (alii legunt *Æstorum*) quoque similiter nationem, qui longissima ripa Oceani Germanici insident, idem ipse (Emmericus Gothorum Rex) prudentia virtute subegit. Eodem Sec. VI. floruit Calisiodorus, apud quem reperitur Theodorici Gothorum Regis ad *Æstios*, quos ibi *Hæstos* appellat, epistola gratiarum actoria pro succino sibi ab *Hæstis* misso, cujus epistolæ initium hic dabimus: *Hæstis Theodoricus Rex. Illo & illo Legatis vestris venientibus*, grande vos studium notitia nostra habuisse cognovimus, ut in Oceani litoribus constituti, cum nostra mente jungamini: spavis nobis admodum grata petitio ut ad vos perveniret fama nostra, ad quos nulla potuimus destinare mandata. Amate jam cognitum, quem requisivistis ambientes ignotum — Et ideo salutatione vos affectuosa requirentes, indicamus succina, qua à vobis per horum portitores dicta sunt grato animo fuisse suscepta: qua ad vos Oceani unda descendens, hanc levissimam substantiam, sicut & vestrorum relatio continebat, exportat: sed undè veniat, incognitum vos habere dixerunt, quam ante omnes homines patria vestra offerente suscipitis, Sec. IX. Eginhardus in Vita Caroli M. cap. 12. Hunc, ait, *Sinum*, (Codanum) multa circumfident nationes: Dani scilicet & *Sveones* & quos Nortmannos vocamus septentrionale litus & omnes in eo insulas tenent, at litus Australe *Slavi* & *Aisti* & alia diversa incolunt nationes. Posterioribus temporibus ulterius versus Septentrionem progressi sunt in Livoniam. *Æstorum* autem in Livonia crebrā faciunt mentionem Chronica Deutschen Ordens Vid. f. 39. b. 41. b. 42. b.

XIII. Hos *Æstios* Germanos fuisse multa perſuadent. Tacitus meminit similitudinis morum cum *Svevis*, linguæ autē similioris *Britannicæ* quam *Svevicæ*. Dicit porro fru-

menta

menta eos, coeterosq; fructus patienti quam pro solita Ger-  
 manorum inertia laborasse. Accedunt etiam varia locorū  
 nomina, quæ ordo Theutonicus hic jam reperit, & viden-  
 tur partim à Gothis, ut supra innuimus, partim ab Æstiiis  
 inventa ut *Medenau/ Germau/ Quedenau/ &c.* Undè etiam  
 hi Æstii venerint, paucis inquirere non pigebit. Phil. Ciu-  
 verus lib. III. Germ. Antiq. c. XLIV. & XLVI. putat eos fu-  
 isse *Istævones* Rhēni accolas, quos Pytheam, Strabonem &  
 Stephanum putat intelligere per *Ostiones* sive *Ostixos*, quam-  
 vis de sedibus Ostionum inter se pugnent. Hos itaque Æ-  
 stios sive Ostiones sive Istævones existimat longè ante Cæ-  
 saris in Galliam Comatam expeditiones huc commigrasse,  
 succensetq; Goropio Becano, quod *Æstios* mutaverit in *Au-*  
*strios*. Hugo Grotius in Prolegomen. supra citatis com-  
 probat sententiam Goropii Becani, & probat hic *Æstios* sive  
*Ostiaos, Ostiones* sive *Austrios* habitasse, dictos ab Oriente So-  
 le à cæteris Gothis qui in Scandinavia remanserant. Pro-  
 bat illam derivationem *primò* indè quia hoc nritur testi-  
 monio Saxonis Grammatici. Deindè quia Orientis voca-  
 bulum erant qui *æst* pronunciarent ut *Æst-Saxia* i. e. Saxo-  
 nia Orientalis in Anglia. Tandem etiam quia Plinius *Gles-*  
*sariam* insulam, quæ est *Samlandia* Prusorum, expressè ap-  
 pellat *Austraniam* lib. IV. Hist. Nat. cap. 13. Ex sententia,  
 itaque Grotii colligitur, ipsum existimasse Æstios fuisse,  
 Gothos ab aliis Gothis occidentalibus ita vocatos. Vid.  
 Grotius l. c. p. II. 41. Utraque sententia non caret dubio.  
 Migrationis *Istævonum* in has oras, de qua loquebatur Clu-  
 verus, nullum extat in antiquitate vestigium, adeoque me-  
 ra hæc est conjectura. Contra Grotium illud merito affer-  
 tur, per *Glesariam* insulam *Austraniamq;* non posse intelligi  
*Samlandiam* in Prussia, sed aliam aliquam insulam in Ocea-  
 no Germanico, quæ alluit Cimbricam Chersonesum sive,



Jutlandiam. Forſan fuit inſula quæ hodie dicitur, de *Strant*. Id enim colligitur ex deſcriptione Plinii: *Quidam*, inquit Plinius, hæc habitari ad *Viſtulam* uſque *ſludium* à *Sarmatis*, *Venedis*, *Scyrris*, *Hyrris* tradunt. *Sinum* *Clylipenum* vocari & in oſtio ejus inſulam *Latrin*. Mox alterum ſinum *Lagnum* conterminum *Cimbris*. Promontorium *Cimbrorum* excurrens in maria longè peninſulam efficit, quæ *Hauſliſus* appellatur XXIII. M. paſſuum. Inde inſule Romanis armis cognita. Earum nobiſſima, *Burchana*, *Fabaria* à noſtris dicta à *frugis* ſimilitudine ſponte provenientis. Item *Gleſſaria* à *succino* militiæ appellata à *Barbaris* *Auſtrania* præterque *Actania*. Toto autem hoc mari ad *Scaldin* uſque *ſludium* *Germania* accolunt gentes hæc explicabili meſura. lib. IV. c. XIII. Quod autem dixerat *Gleſſariam*, *Burchanam*, *Fabariam* fuiſſe Romanis armis cognitæ, id explicat lib. XXXVII. c. III. pr. quando ait: *Certum eſt gigni in inſulis ſeptentrionalis Oceani (ſuccinum) & à Germanis appellari gleſſum*, itaque & à noſtris unam inſularum ob id *Gleſſariam* appellatam *Germanico Cæſare* ibi claſſibus rem gerente *Auſtraviam* à barbaris dictam. Ex quibus manifeſtum eſt per *Gleſſariani* non poſſe intelligi *Sambiam* ſive *Samlandiam* noſtram, ut *Grotius*, *Micrælius* aliq; plurimi volunt. Repugnat enim inſulæ ſitus. Vix inſuper eſt veriſimile *Germanicum Cæſarem* huc uſque navibus appuliſſe. Nec objici poteſt teſtimonium *Taciti* ſupra aſſerentis *Solos Gothones ſuccinum*, quod ipſi *Gleſſum* vocant, inter vada atque in ipſo litore legere. Nam hoc intelligit *Tacitus* de *succino* optimo, quodque ejus eſt quantitatis ut ex illo aliquid poſſit effici, aliàs & in aliis locis vel hodie *succinum* reperi non negamus; hoc tamen eſt minoris pretii, minores etiam tantum ſunt ejus particulæ, officinis artificum inutiles. Et hoc etiam expreſſit *Theodoricus Rex*, in *Epistoſa* ſua ſuperiore numero citata, in qua dicebat *Hæſtos ante omne*

omnes homines, patria offerente succinum accipere. Tales itaque particulas minores succini sive glesii cum milites Cæsaris Germanici reperissent, appellarunt insulam illam Glesfariam, quæ barbaris dicebatur Austrania. Hactenus igitur de insula Glesfaria assentimur Cluvero. Sed quo minus Æstios arbitremur fuisse Gothos, nullam videmus urgentem causam, præsertim si dicamus *Ostiones* alium ab *Æstiiis* fuisse populum. Videntur enim Gothi sensim ulterius progressi, totam Sinus Venedici oram tandem occupasse, & deinde ab aliis Gothis occidentalibus appellati esse *Æstii* i. e. *orientales*. Et huic sententiæ nostræ favet etiam illud, quod & posterioribus temporibus, quibus Æstii hic habitasse perhibentur, ab ejusdem tamen sequioris ætatis Scriptoribus appellantur *Gethe*, qui secundum illorum sententiam iidem sunt qui *Gothi*. Vid. n. XI. fin. Huc etiam forsitan respicit antiquum Epitaphium *Boleslai*. I. R. P. cognomine *Chrobry*, quod Sec. XI. pr. positum est, & reperitur adhuc Posnaniæ in Ecclesia Cathedrali, ubi hæc inter alia reperiuntur verba:

*Tu possedisti velut Athleta Christi*

*Regnum Slavorum GOTHORUM seu Polonorum.*

Vid. Stanisł. Lubieski in Tract. de Episcopis Plocensibus in Vita Martialis II. f. 315. Operum.

XIV. Huc usque expeditam habuimus rationem Origines Pruslicas investigandi, suppetentibus hinc inde probatorum Scriptorum testimoniis, sed ea quæ sequuntur iniquiora subierunt fata. Nam à Sec. VI. nulla ferè nostrarum regionum fit mentio usque ad Sec. X. si unicum tantum illud Eginhardi testimonium excipias. Defectum hunc supplere volunt Scriptores nostri, quamvis respectu illorū temporum multò sint recentiores, quam ut de ulla migratione idoneum possint præbere nobis testimoniū. *Celebris*



est illa in Chronicis Prussis migratio in Pru sūm, quæ contigisse dicitur sub PRUTENO, & qui eum in Regno excepit, fratre ipsius WIDEWUTO. Quo tempore hæc contigerint non convenit inter omnes. Erasmi. Stella lib. 2. Antiq. Prusl. & Albertus Wijuk Kojalovvicz Parr. I. Hist. Lithv. lib. I. p. 13. ad tempora *Valentiniani* Imperatoris hoc referunt. Alexander Gvaginus verò ad An. 503. horum Regum ætatem retulit, in Descript. Prusl. p. 320. De loco etiam & Regno undè illa migratio contigerit non satis apud ipsos constat. Nostra Chronica, ut Grunovii, Hennebergeri, Weisselii, ut & quædam MS. *Cimbricos* vel *Scandinavicos* illos Principes fuisse asserunt, quos quidam reliquias Gothorum Româ pulsorum fuisse existimant. Lithvani Scriptores ut & Erasmi. Stella lib. II. Antiq. Prusl. in pr. *Alanorum* Reges illos fuisse perhibent. Ipsa Historia à Kojalovicio hunc ferè in modum describitur: *Circa tempora Valentiniani An. 366. Alani Duce Littalano à Sicambriis casi cū Patriam sine probro intrare non poterant, in Prusiam concesserunt, quos Prussi ut populum religionē, linguā, ritibus, origine socium libenter susceperunt. Inde Wēidewutus Alanus electus est Rex Prusiorum liberis votis. Hic plebem vagabundam nullisq. sedibus affixam per tribus ac cohortes recensuit & certis villarum agrorumque limitibus circumscripsit, docuit eos agriculturam &c. &c. tandem senio confectus partitus est regnum inter filios. Principatum spontè abdicatum in majorem natu, volentibus omnibus transtulit. Ne tamen aut Rempubl. inter juvenum manus omnino desereret, aut in ordinem redactus auctoritate omni inter populares excideret, honores callidè auxit quorum fastidium simulabat. Summum se Pontificem antequam Principatu abiret creavit. Hæc ille l. c. p. 13. seqq. Alii primo apud Prussos regnasie volunt Prutenum, à quo etiam nomen Prussie fluxisse dicunt, qui factus Pontifex regnum*

regnum in fratrem Weidevvetum transtulit. Tandem cum & hic jam senio debilitatus oneri huic ferendo non esset, Pontifex itidem factus, dicitur se cum fratre Bruteno Diis patriis immolasse. Vid. Henneb. lib. de V. P. p. 9. 10. Weisfel. p. 18. a. Filii Weydevvuti putantur fuisse duodecim, quorum hæc fuerunt nomina: *Saymo, Neydro, Sudo, Slavo, Natango, Barto, Galindo, Warmo, Oggo, Pomezo, Colma & Lituo*. Ab his Partes Prussiæ nostræ dicuntur nomina sua sortitæ esse, ut dicerentur: *Samlandia, Nadrovia, Sudinia, Slavonia, Natangia, Bartonia, Galindia, Warmia, Oggerlandia, Pomezania, Culmigeria*. Sed LITUO Prussia relicta Lithvaniam hodiernam sibi subjecisse eamque à suo nomine appellasse, Alanam quoque gentem omnem è Prussia eduxisse perhibetur. Cojalovvicz l. c. p. 22. Alii alia de his Regibus Alanorum Pruteno & Weidevvuto referunt, in hoc tamen conveniunt omnes, ab his Prusfos Veteres omnem cultum suum, ut & religionem accepisse. Verum quid nobis hæc de re videatur paucis aperiemus. Ipsum Alanorum in Prussiam ingressum non negamus quamvis certum tempus determinare nequeamus. Nam hoc non ex testimoniis tantum citatorum Authorum, sed etiam ex vicinitate horum populorū, & forsan etiam ex Lingua Prussica Veteri probatur, quæ communis esse potuit Alanis, Lithvanis, & Prusfis, ut vicinis populis. A Cimbris hanc migrationem derivare, ridiculum est, præsertim si attendantur circumstantiæ, quas illi hic recensent. Ea etiam ferme omnia quæ de Pruteno, Weidevvuto filiisque ejus memoriæ prodita sunt, fabulosa esse nobis persvasissimum est. Nam primò cum de his rebus nihil habeant exteri Scriptores, quis ea Veterum Prusforum aut Lithvanorum in tantâ populorum barbarie literis consignavit, undè sequens ætas incorruptam illam haurire posset Historiam? Undè hæc  
Cruci-



Cruciferi, qui demū Sec. XIII. à C. N. Prussiam intrarunt, deprompserunt? Deindè si Prutenus adeò antiquus gentis author extitisset, cur neq̃e Jornandes, neq; Theodoricus Rex apud Casiodorum, neq; Eginhardus, ipsos appellant Prutenos? & cur ipsos tantūm Æstiorū nomine insigniunt? Postea non est etiam verisimile fuisse Alanos moratiores Æstis & Gothis Germanicis populis, qui antea Prussiam tenebant; indè verisimile etiam esse non poterit omnem cultum, leges & sacra ab Alanis fluxisse. Porro quod partes Prussiæ concernit, si Prussia post mortem Weidevvuti in duodecim partes fuit divisa, & regiones sive partes Prussiæ inde fuerunt vocatæ, cur igitur apud alios authores alia terrarum Prussicarum nomina occurrunt? *Viduoarios* ad ostia Vistulæ habitasse Sec. VI. audivimus supra num. XII. asserentem Jornandem. Vincentius Kadlubko Scriptor Sec. XII. mentionem facit *Pollexianorum*, gentis Prussicæ, ut & *Soladimistarum* lib. IV. Chr. Pol. c. XIX. p. 509. Præterea quædam nomina partium Prussiæ longè sunt antiquiora temporibus Weidevvuti. Ptolemæus qui Sec. II. floruit, cum Venedicas gentes per totum Venedicum Sinum descripsisset, subjicit, sub Venedis reperiri GALINDAS, SUDENOS & STAVANOS usque ad Alaunos lib. III. Geogr. cap. V. fol. 81. Imò sibi ipsis Scriptores nostri contradicunt, quando *Culmigerie* nomen ab *Hulmigeris* antiquis populis dictū esse volunt. Quod si hoc verum est, quomodo itaque hæc regio dicta est à Weidevvuti filio? Tandem si Sec. V. vel VI. à SLAVO filio Weidevvuti dicta fuisset pars Prussiæ *Slavania*, expedita fuisset origo gentis Slavicæ ex Prussia nostra; cum tamen *Slavos* vix ullus Scriptorum ex Prussia deduxerit. Sed omnes ferè Scriptores, *Slavonie* & *Slavonorum* nomen tandem circa Sec. VI. ortum à *Slava*, derivent, quod  
*gloriam*

*gloriam* significat, ut alibi probatur fusius. Quis itaq; non videt vocabulum *Schlavania* sive *Schalavania* sequioris esse ævi. Si conjecturæ aliquis est locus, forsan non absonum esset dicere, hanc vocem *Slavani* corruptam esse ex antiqua voce *Stavani*, apud Ptolemæum occurrente. Præsertim autem hoc suspicari licet, quoniam eodem ordine, quem adhuc in mappis videmus, tres illi populi ab antiquis Cruciferorum Historicis commemorantur. *Galinda* fuerunt Australiores, *Stavani* Septentrionaliores, *Sudeni* medii inter priores illos. Sudeni tamen sub adventum Ordinis Theutonicæ in Prussiam, transportati sunt in extrema Sambia loca ad mare Balticum, teste Jeroschino apud Hennebergerum in tractat. *Von Auerheilung des Landes Preussen* pag. 41. a. Cruciferi igitur has Prussiar partes demum ita divisisse, sicque eas, tum ab antiquo ævo petitis, tum etiam eo tempore usitatis gentium Prussicarum nominibus, appellasse videntur. Origo tantorum errorum non potest esse alia, quam quod Scriptores illi migrationem antiquissimam *Gothicam* ex *Scandinavia* adeò recentem esse putarint, ac si aliquot seculis à Chr. Nat. demum contigisset. Deindè verò Erasmus Stella, ut vir doctus, legens multa apud Jornandem de migratione *Gothorum* ex *Scandinavia*, quæ huic non conveniebant, distinxit has duas migrationes, illamque Gothis, hanc Alanis tribuit; retinuit etiam omnes illas fabulas in migratione Alanorum, quas Prussica & alia Chronica Gothica affinxerant. Jam verò cognito hoc, quod Historici Prussici per hanc *Cimbricam* sive *Scandinavicam* migrationem intelligant Antiquissimam illam Gothorum, de qua Jornandes; facile opinionem hanc refutare poterimus ex iis, quæ N. X. dicta sunt.

XV. Sunt porro, qui ROMANOS, gentem toto orbe clarissimam, huc in Prussiam penetrasse scribant, licet de

E

semper



*tempore migrationis illius non convenient. Quidam tempus planè se ignorare scribunt, ut Cromer. lib. III. f. 413. Quidam hoc referunt ad Julii Caesaris tempora, ubi bellis civilibus exortis Romanorum multi in Lithvaniam & Prussiam commigrasse memorantur, in qua opinione est Dlugosf. T. I. L. II. f. 113. Alii multò seriùs id contigisse scribunt, ut Cojalovicz, qui hoc refert ad An. 924. Part. I. Hist. Lithv. lib. II. p. 31. seq. Hic iterum ipsum Romanorum in Prussiam Lithvaniamque adventum negare non audemus, quamvis iterum de tempore aliisque circumstantiis non constet. Probari hoc solet non solum ex summo Historicorum recentiorum consensu, sed etiam, quoniam illud non sufficit, ex lingua Prussorum & Lithvanorum, ex nomine urbis Romove, tum etiam ex convenientia variorum rituum Prussicorum & Lithvanicorum cum Romanis. De LINGUA Matthias à Michovia: Advenerunt, inquit, deindè, ut fama est, gentes Romanae ob bella civilia Italiam deserentes & promiscuam mansionem cum eis fecerunt Prussiam, Lithvaniam & Samogitiam mixtim constituentes & lingvadium confundentes. Propter quod multa verba Latinam linguam redolentia, in eorum sermone audiuntur. lib. II. Chron. Pol. c. 8. f. 15. Haussit hoc Matthias à Michovia ex Joannis Dlugossi lib. II. ad an. 997. f. 113. qui eadem tradit. In Fragmentis Michalonis Lithvani de convenientia Linguae Lithvanicae & Latinae haec reperiuntur: Et ignis, & unda, aer, sol, mensis, dies, noctis, ros, aurora, Deus, vir, devir i. e. levir, nepotis, neptis, tu, meus, suus, levis, tenuis, virus, juvenis, vetustus, senis, oculus, auris, nasus, dentes, gentes, sta, sede, verte, inverte, perverte, aratum, occatum, satum, semen, lens, linum, canapum, avena, pecus, ovis, anguis, ansa, corbis, axis, rota, jugum, pondus, culeus, callis, cur, nunc, tractus, intractus, pertractus, extractus, merctus, immerctus, sutus, insutus, versus, inder.*

*inversus, perversus primus, unus, duo, tres, quatuor, quinque, sex, septem & pleraque alia idem significant Lithv. no sermone quod & Latino. p. 265. seq. De quibusdam tamen vocabulis hic mer. tō dubitaveris an ex Latino deriventur, ROMOVE urbem, quæ fuit Metropolis Prussiæ à Roma ita fuisse vocatam tradunt Dlugosus, Mechovita & alii. Præsertim verò Kojalovicii verba notanda sunt, quamvis de alia quadam Romova loquatur. Itali, inquit ille, circa An. 924 — Venedico sive Baltico mari per exigui freti angustias Curonen- sem sinum inveciti, litus legendo in Ostia Nemenis sive Chroni inciderunt, ubi is longo per Russiam, Lithvaniam & Prusiam cursu collectas aquas duodecim alveis exonerat. Adverso flumine interiora continentis ingressi ad Ostium Dubisæ amnis loco commodo inter amœnam camporum planitiem prima colonie novæ fundamenta jecerunt. ROMANOVA tunc dicta est, à posteris Romnove & Romove, Krive Kriveiti postea sacrorum apud Lithvanos præsidis sedes. Gedimino imperante ab equitibus Ord. Theutonicis funditus excisa. Hæc ille Part. I. Lib. II. H. Lithv. p. 31. seq. De RITIBUS Lithvanorum & Romanorum communibus, præter alios quamplures, optime differit citatus Michalo Lithvanus: Nos Lithvani, inquit, ex Italico sanguine oriundi sumus. Quod ita esse liquet ex sermone nostro semilatio & ex ritibus Romanorum vetustis, qui non ita pridem desiere apud nos, videlicet ex crematis humanis corporibus, auguriis, auspiciis aliisq; superstitionibus adhuc in quibusdam locis durantibus: maxime cultu Æsculapii, qui sub eadem, qua olim Romam ab Epidauro commigraverat, serpentis specie colitur. Coluntur & sacri penates, mares, lares, lemures, montes, specus, lacus, luci. Sed nec admodum diu sacer ille perpetuusque, qui cremandis victimis Romanorum Hebræorumq; more fovebatur, extinctus est per baptismatis undam, ugnis i. e. ignis. Quæ de Lithvanis hic ille suis memorat,*



illa & de Prussis nostris dicere possumus. Præsertim verò  
de crematis humanis corporibus. Vid. Dlugosf. l. II. f. 115,  
Henneb. de Vet. Pruss. p. 23. seq. Notandum etiam est adhuc  
hodiè quibusdam in locis Prussiae reperiri urnas cinere &  
femiustis ossibus repletas. Testantur id Viri fide digni de  
insula Czattowoy Ostrow dicta in lacu Sudiniæ Veteris, *Spir-*  
*ding* vocato. Testari id & ego ipse possum de campis propè  
*Pleviken* pagum Samlandiæ ad *Pregelam* situm, ubi antè  
biennium, si benè memini, quidam eruditi commorantes,  
tumulos hinc inde studiò aggestà terrà non frustra olim fa-  
ctos esse rati, acceptis à Magnifico atque Generoso Dn. Mel-  
chiore à *Rippen* Capitaneo *Liccenfi*, qui ibidem locorum præ-  
dia sua habet, aliquot fossoribus, unum tumulum aperue-  
runt, in quo aliquot urnæ reperiæ sunt. Una huc Regio-  
montum allata est, quam oculis meis vidi. Locum etiam  
ex quo effossa est ante annum lustravi, & plures ejusmodi  
tumulos effodi curassem, nisi continuis imbris fuisset  
impeditus. De cultu *Serpentis*, *Potrimpo* dicati, Vid. Hen-  
neb. in tr. de V.P. p. 11. & 12. De perpetuo igne, qui erat *Pircu-*  
*no* dicatus, Vid. idem p. 11. a. Illa igitur quæ de Ritibus Prus-  
sorū & Lithvanorum dicta sunt, ut & alia, satis sunt proba-  
bilia, si illud excipias, quod de via, qua ingressi sunt has o-  
ras Romani, dicebat *Kojalovicus*. Probabiliorem & faci-  
liorem nobis viam monstrat *Casp. Peucerus*, & ex eo *Joach.*  
*Cureus*, qui in *Annal. Siles.* f. 36. ait: De Origine gentis *Prus-*  
*sica* neminem probabilius quid afferre, quam D. *Peucerum Vi-*  
*rum Clariss.* qui putat eos in illas regiones *Arctæas* desertas tunc  
à *Slavis* qui sese in *Pomeraniam* & *Poloniam* infuderant mi-  
grasse ex *Valachia*, & fuisse olim colonos *Italicos* collocatos in  
*Valachiam* ab Imperatoribus *Græcis* ut arcerent *Slavos* ab Im-  
perio *Constantinopolitano*, sed superatos tandem multitudine  
& vi *Slavorum* patriam reliquisse. Etsi autem posteritas inter  
barba-

*barbaros, ut ille inquit, barbara facta est, tamen aliquos mores gentis Italica veteris in quotidiano usu balnearum, in ritu funerum, in cremandis cadaveribus suorum retinuerunt:*

XVI. Nec desunt, qui Prusos Veteres à BORUSCIS adeoque à *Russis* ipsis accersant. *Borusci* enim tempore Ptolemæi ad montes *Riphaos* habitabant. Ptolem. l. III. c. V. f. 82. *Riphaos* autem montes ponit Plinius, licet secundum quosdam male, in eo loco ubi *Tanais* Originem suam habet adeoque in hodierna *Russia*. lib. IV. c. XII. f. 58. Est in hac opinione de *Boruscis* *Erasmus Stella* lib. I. Antiq. *Borusci*, circa fin. ubi dicit, *populos ad Riphaos montes habitantes perpetuis nivibus & algoribus huc compulso esse*. Approbat hæc *Cromer*. l. III. f. 442. seq. Inter multas, inquit, *Sarmatia* *Europæ* gentes *Borusci* à *Ptolemæo* in *Geographia* ad *Septentrionem* valde remoti ponuntur, in ea ora quam nunc *Livones* & *Moschi*, ut opinor, obtinent ultra *Cherniseum* amnem *Riphaei* vicini. Eos ego aliquo tempore ad meridiem & occidentem progressos magnam *Germania* partem quæ ab oriente *Russis* & *Moschis* conjungitur à meridie nemoribus & *Hercinio* saltu clauditur & omnem illum tractum qui secundum *Venedici* sive *Baltici* sive *Codani* Sinus litus usque ad *Vistulam* & *Ossam* fluvios pertinet tenuisse, & *Boruscos* & *Prusos* deflexo paululum nomine dictos esse cum *Erasmio Stella* crediderim. His opponit se *Cluver*. lib. III. *Germ. Ant.* c. XLIV. f. 193. dicitque delirare eos, qui *Boruscos* *Ptolemæo* apud *Riphaos* montes memoratos *populos* corrumpunt in *Boruscos*, interpretanturque *Prusos*. Sed nullas dissensionis suæ addit causas. Nos adeo improbabilem illam sententiã esse non existimamus, cum nobis pro hac sententia suppetant argumenta non contemnenda. Ut enim vicinitatem illarum vocum, *Borusci*, *Borusi*, *Prusci* jam omittam, quod tamen hic non exiguum habet pondus, illud tantum quod iterum de *Lingua Boruscorum & Prusorum* notatur commemorabo:



Erasm. Stella I. r. Antiq. Borusf. probans sententiam suam de Boruscis addit: *quia usque hodie populi ad Riphæos montes habitantes eodem parig. sermone, quo biuntur.* Nec intra verba tantum consistit nostra probatio. Ad sunt adhuc formulæ quædam Veterum Prussorum in variis casibus olim usitatæ, quæ prorsus sunt Russicæ, & sine dubio populis illis ad ortum Tanais vel hodie intelliguntur. Joannes Meletius scripsit Epistolam ad Georg. Sabinum primum Acad. nostræ Rectorem Magnificum perpetuum, *de Religione & sacrificiis Veterum Borusorum*, in qua tales formulas notavit: Lamentationes funebres dicit fuisse has: *Ȳalele/ lele/ y procȳ ty mene umarl: y ȳa ty nie miel fto jesty/ albo pity y procȳ ty umarl: Ȳalele/ lele/ y ȳa ty nie miel ftrasi młodzice y procȳ ty umarl: i. e. Heu, heu, quare mortuus est? Num tibi deerat cibis & potus, quare ergo mortuus es? Heu, heu, annon habuisti formosam conjugem? quare tu mortuus es?* Deinde & illam formulam notat: *Jely/ pity Dufyce. i. e. Edistis, bibistis (vel potius ederunt, biberunt) animule.* Quæ verba Russica esse Russi ultro agnoscent. Literæ quoque Veterum Prussorum ad Russicas aliquo modo accedunt. Videre autem Prussicos characteres (si modò non sint à Grunovio conficti) possumus in insignibus Regis Weidevuti, in quibus depictæ fuerunt imagines trium Deorum *Percuni, Picolli, Potrimpi.* ap. Henneb. in tr. de Vet. Pr. p. 22. ex Grunov. tr. 2. c. 5. & alios adhuc ap. Schütz in prima Edit. Chronicorum fol. 9. Sed hic dubium oritur non exiguum, si cum his conferantur ea quæ à nobis dicta sunt n. V. Ibi enim probavimus Veterem Pruss. linguam fuisse fermè Lithvanicam, quæ cum Russica non convenit, nisi in quibusdam tantum voculis, quomodò igitur Vetus Prussica lingua potuit simul esse Lithvanica ferè, & simul Russica? Fateor, hæc me diu dubium tenuisse, imò jam non rarò in-

men-

mentem venit cogitare, Meletium has formulas aut confinxisse, aut non in Prussia, sed alicubi apud Russos, ubi etiam commoratus est, audivisse. Sed retraxerunt me identidem ab hac sententia illa Meletii verba ex ep. ad David. Chytr. de Relig. Russorum, quibus Viro undiquaque Doctissimo, quem fallere non poterat, aut certè non debuerat, contestatus est, se sibi tantum visa, sibi audita, vel etiam ab hominibus fide dignis accepta scribere. Tandem illa sequenti modo conciliari posse animadverti. Notum est vel hodiè in Prussia non unam in usu esse linguam. In quibusdam Districtibus Germanica, in quibusdam Polonica, in quibusdam Lithvanica obtinet. Ubi igitur hodiè Polonica & Lithvanica lingua vigent, ibi etiam olim easdem viguisse non est quod dubitemus. Nam si Cruciferi in locis Polonicis linguam Prussicam extinctam aliam introducere voluissent, sine dubio introduxissent Germanicam, ut Germani ipsi, non Polonicam vel Lithvanicam, quas non intelligebant. Si igitur & ante adventum Ordinis Theutonici lingua Polonica in multis Prussiae locis in usu fuit, indicio hoc nobis esse potest, illos populos non ejusdem esse Originis cum coeteris Prussis. Aut igitur hi simul cum Polonis circa Sec. VI. & VII. à Ch. N. è Russicis oris huc concesserunt, aut etiam postea è Russia progressi, hic sedes suas fixerunt, tandè etiam Russicum idioma in Polonicam hinc abiit dialectum. Hic itaque Meletius formulas illas potuit audivisse, ubi etiam adhuc hodiè intelligi queunt. Sed neq; hic omnis difficultas jam sublata est. Dicas enim, si olim diversæ hic in usu fuerunt linguæ, quidni potuisset Willichius alicubi etiam cum Prussis Gracissando loqui? Sed alia est ratio Linguae Polonicae, quam Graecae. Nam Scriptores illi qui Prussicam linguam ex Graeca fuisse corruptam asserunt, eandem simul esse dicunt, quæ cum Lithvanica maximam habuit  
con-



convenientiam, adeoque ipsam linguam Lithvanicam putant esse ex Græca corruptam. Ast in horum Prusorum omnium gratiam Marchio Albertus Catechismum Prusicū confici curavit, ex quo tamen ne vestigium quidem idiomatis Græci licet deprehendere. Idem autem idioma obtinuisse in Warmia sive Ermelandia, undè oriundus erat Willichius, testabatur supra N. V. Cromerus.

XVII. Alii tamen licet Prusos non asserant à *Boruscis* esse dictos, à *vicinitate* tamē *Rusorum* arbitrantur hoc vocabulū esse deductū, ita ut Borussi vel Prussi sint vicini Rusorum, Sed hic objicias, Rusos nunquam fuisse Prussorū vicinos. Verūm facile est demonstrare, Rusos maximē fuisse Prussis conterminos. Testantur id Veteres Historici passim. Adamus Brem. *Tertia*, inquit, *insula est illa que Semland appellari solet, contigua Ruzzis.* lib. de Situ Daniæ & reliqu. Septentr. Regn. p. 147. Dithmarus Mersburg. de Brunone Episcop. consanguineo suo; *In duodecimo*, ait, *conversionis ac inclyta conversationis sue anno ad Prusiam pergens steriles hos agros semine divino studuit fecundare* — *Tunc in confinio prædictæ regionis & Russie cum prædicaret, primò ab incolis prohibetur, & plus evangelizans capitur.* lib. VI. Chron. circa fin. Helmoldus: *Letitus*, ait, *Australe* (maris Baltici) *Slavorum incolunt Nationes, quorum ab Origine primi Ruzzi, Deindè Poloni, habentes à septentrione Pruzzos ab Austro Bohemos* l. i. Chron. Sl. c. 1. Deinde Russus etiā amnis in lacum Curonensem se evolvens non aliundè forsā nomen suum habet quàm à Ruslis. Ex hac vicinitate quoque factum est ut à Radevico Sec. XII. Scriptore, Rutheni cum Prutenis confundantur. Hic enim fines Regni Polonici describens, dicit, *Poloniam ab Oriente habuisse Oderam fluvium, ab Occidente Islulam, à Septentrione Ruthenos & mare Scythicum* (i. e. Balticum) *à meridie ipsas Boëmorum* l. i. de Gest. Frid. Barbarossæ Imp.

c. r. Quomodo autem à vicinis Russis nostri appellati sint Prussi, & à Ruthenis Prutheni ratio reddi potest ex ipso vocis Slavonicæ etymo. Ut enim *Pomerani*, Polonicè *Pomorzani*, quasi *podmorzani*, i. e. qui *sub mari* habitant, vel, *maris accola*, item *Polabiani* sive *Polabingi* sive *Polabi* Slavi dicuntur, quia fuerunt *accola fluvii Labe* (sic hodiè adhuc Slavi appellant Albim fluvium) Sic etiam Porusli sive contractè *Prussi*, dicti sunt populi nostri i. e. *accola Rusforum*. Sed licet Russi nunquam fuissent Prussis contermini, nihil tamen adhuc decederet sententiæ nostræ. Etenim cui ignotum est, gentes sæpius nomina accipere ab exteris? Erraverint igitur Germani Scriptores circa sedes Rusforum, potuerunt tamen ex errore hoc nomen ipsis imposuisse, quod nomen deinde ab ipsis incolis est receptum. Sed non est necesse ut erroris Historicos illos arguamus. Illi enim omnes hos, qui una origine tum utebantur lingua, ut *Lithuanos*, *Livonos*, *Curonos*, *Samogitas*, *Prussos*, unam esse gentem putarunt. Et quidem rectè. Tum enim adhuc gentium illarum nomina fuerunt obscura, imò etiam quædam eorum nondum inventa, quæ tamen gentes omnes communi ferè lingua, moribusque communibus, sine Principe, liberè vivebant.

XVIII. Prussi itaque aut dicti sunt à *Beruscis* populis, aut etiam à finitimis *Russis* & amne *Rusfo*, quamvis utramq; sententiam rejiciat Cluverus lib. III. G. A. c. XLIV. Nunc dispiciendum nobis erit, quando nomen illud Prussorum orbi innotuerit. Cluverus primum, quorum scripta extant, hujus nominis meminisse putat Helmoldum, *apud quem, ut & apud M. Adamum Bremensem sunt Pruzzi ex patria Lubecensium, Hamburgensium ac Bremensium dialecto, qua dicuntur vulgò Prützen*, ut ait l. III. c. 44. Sed Adamus Brem. apud quem nomen hoc aliquoties occurrit, est Helmoldo anti-



quior, octoginta præterpropter annis. Nam Adamus vixit sub Henrico IV. Imp. circa an. 1067. Helmoldus verò scripsit Chron. suum circa An. 1140. obiitque An. 1170. Occurrit etiam nomen Prusliæ apud Anonymum quendam Vitæ S. Adalberti Scriptorem, Adalberto cõvæum, ut ex ipsius constat verbis: *Erat autem istis diebus Roma Imperatrix Theophania mater ejus qui modo regnat Tertius & Deo judante maximus Otto.* Exhibet hanc vitam Canisius T. V. Ant. Lect. quæ malè à quibusdam attribuitur Cosmæ Prageni, qui de mùm Sec. XI. sub Henrico IV. Imp. vixit. Occurrit etiam nomen Prusliæ in alia Vita S. Adalberti Anonymi cujusdã, etiam Sec. X. Scriptoris, ut ex illa ipsa vita colligitur, & hanc habet Laur. Surius T. II. ad d. 23. April. Hi Authores ante Helmoldum patriam nostram appellant *Pruzziam* vel *Prucciam*. Posteriorum Seculorum Scriptores mirè corruperunt hanc vocem. Sigebert. Gemblac. ad an. 977. n. 6. f. 587. vocat populos hos *Brutios*. Et ad an. 1015. n. 13. f. 592. *Brutibios*. Marianus Scotus ad an. 995. n. 12. f. 449. nescio de quanam civitate dicta *Aprutis*, somniet, in qua vult esse passum S. Adalbertum. Facilis autem erat circa regionem longè disitam, & necdum armis Imperatorum Germanicorum tentatam, error. Fallitur enim non nemo, qui Prusos ab Ottone M. domitos esse scripsit in Dissert. de Reb. Prusl. n. 2. Nec patrociniatur ipsi Helmoldus, quem pro se allegat, quippe qui de Boleslao Poloniæ Rege hoc asserit, *quod confœderatus cum Ottone III. omnem Slaviam quæ est ultra Odderam tributis subjecerit: sed & Russiam & Prusos, à quibus passus erat Adalbertus Episcopus.* l. 1. Chr. Sl. c. 15. De Ottone M. ibi nihil habetur.

XIX, Has gentes Prusliæ Veteris plurimi odioso *cru-*  
*delium* nomine infamant, illisque nescio quam truculen-  
 tiam & ferinam barbariem tribuunt. Vinc. Kadlubko de  
 Polle-

Pollexianis: *Sunt autem, inquit, Pollexiani Getarum seu Prusorum genus, gens atrocissima omnium ferarum immantitate truculentior.* l. IV. Chr. Pol. c. 19. p. 510. Et J. Dubravius Prusos *brutis ipsis magis brutos fuisse* dicit, in Hist. Boh. l. VI. ubi de martyrio S. Adalberti agit. Nos utut non negemus Prusos illos Veteres flagitiose egisse, quod Viros sanctos persecuti sint, (quod tamen flagitium ipsis commune fuit cum plerisque Ethnicis) interim tamen in aliis rebus Prusos plerosque fuisse humanissimos asserimus. Testantur hoc Scriptores etiam extranei. Adamus Brem. hoc ipsis posuit Elogium: *Semlandiam inhabitant Sembi vel Pruzzi, homines humanissimi, qui obviam tendunt ad auxiliandum his, qui in mari periclitantur, vel qui à piratis infestantur. Aurum argentumque pro minimo ducunt, pellibus abundant peregrinis, quorum odor nostro orbi latiferum superbia venenum propinavit. Et illi quidem usque stercora hac ad nostram fortè habent damnationem, qui per fas nefasque ad vestem anhelamus marturinam, quasi ad summam beatitudinem. Itaque pro lancis indumentis quæ nos dicimus Paldones illi offerunt tam preciosos martures. Multa ergò possent ex illis populis dici laudibilia in moribus, si solam fidem Christi haberent, cujus Predicatores immaniter persequuntur.* Apud illos enim Illustres Boemorum Episc. Adalbertus martyrio est coronatus &c. lib. de Situ Dan. & reliqu. Septentr. Regn. c. 227. (77) p. 147. Helmoldus etiam: *Pruzzi, inquit, necdum lumen fidei cognoverunt, homines multis naturalibus bonis præditi, humanissimi erga necessitatem patientes.* His subiicit omnia illa Adami verba quæ modò adduximus. l. I. Chr. Slav. c. 1. Jordanem quoque supra n. XII. audivimus asserentem *Æstos accolæ maris Svevici, i. e. Baltici, fuisse pacatū genus omnino.* De liberalitate ipsorum erga pauperes. Vid. Henneb. in tr. de



V. P. p. 19. Ubi testatur in Prussia propterea nullos fuisse mendicos.

XX. Ultimæ migrationes, quæ sunt GERMANORUM, contigerunt à Sec. XIII. cum *Ordine Theutonico*, de cujus Origine agere jam non est hujus loci. Vid. Polyd. Vergil. de Rer. Juvent. l. 7. c. 5. Sigon. l. XV. de Regn. Ital. an. 1192. Aubert. Miræus de Orig. Equestr. l. 1. c. 2. seqq. Franc. Menennius in Deliciis Equestr. Franc. Modius de Ordinib. Ecclesiast. Item Chron. Schüzii, Weisselii &c. Hic paucis videbimus, quomodo sibi Ordo Theutonicus Prussiam subjecerit & postea Colonias in Prussiam duxerit. An. Chr. 1220. *Lescus Albus*, fratri suo CONRADO concessit in Comitibus Sendomir. *Masoviam*. Has oras Prussi, ut sibi conterminas & injuriis opportunas, injuriis forsitan prius lacesciti, maximè infestabant. Cumque Conradus Masoviarum Dux de Polonorum auxiliis desperaret, necessitate adactus, accersivit Ordinem Theutonicum in Prussiam. Huic Ordini tradidit *Culmensem* tractum & quicquid terræ est inter Vistulam, Mocram & Drevantiam flumina, his legibus, *ut contra Prusos, sedulo bellum gererent, ubi verò eos domuissent Chelmensem ditionem redderent: cætera verò quæ de barbaris cepissent arbitrio bonorum virorum ex aquo secum, sive cum posteris suis partirentur, contra Polonos nil hostile tentarent, & hæc omnia pacta sunt sub pœna amissionis bonorum.* Hæc ex antiquo scripto Germanico à Stanisl. Hosio sibi communicato recenlet Cromerus l. VII. circa fin. f. 580. Ordo Theutonicus autem contrarium semper defendebat, producebatque Friderici II. Imp. Diploma, in quo ille confirmavit ipsis possessionem terra *Culmensis* & quicquid ii de Prussis postea ceperint itemque ditionem quam eis Conradus Dux Masovia deinceps adhuc donaturus esset, inter Prussiam & Novam Marchiam. Vid. Cromer. l. c. Caspar Schuzius

Schuzius etiam illud de restitutione Culmenſis tractus & de diſiſione Pruſſiæ ſubigendæ in dubium vocat, incredibile eſſe exiſtimans, Cruciferos ſine debita & juſta laborum remuneratione tanta fuiſſe pericula ſubituros. Cum Schüzio & nos facimus, & habemus in hoc prævium Authorem Chronici Ord. Theut. f. 35. a. Vid. & Schuz. f. 17. Dum hæc gerebantur, quartus (à primo *Henrico à Walpot*) Magiſter Ord. Theut. fuit HERMANNUS à SALZA, ſub cujus auſpiciis fratres Ordinis, impetratis à Conrado Landgr. Haſſ. auxiliis, ingreſſi ſunt in Pruſſiam. Et quidem quicquid nobis eſt ultra Viſtulam brevi tempore occupavere. Exin, tranſmiſſo fluvio vetuſtam & latè patulam *quercum* in caſtelli modum erectis propugnaculis juxta ripam muniverunt, ibique collocato præſidio Prutenos vexare cœperunt. Pugnatum eſt pro quercu, ſæpiusque Pruſſi repulſi ſunt exſique. Quo in loco munita fuit quercus, deindè ædificatum eſt nobile oppidum, ſecundùm quosdam *Mariaburgum*. Vid. *Æu. Sylv. in Descript. Europ. c. 29. ſecundùm alios Thorunium vetus*. Henneb. in Chron. p. 452. tit. *Thorn*. His peractis Hermannus à Salza creato ſibi in Pruſſia vicario (*Landsmeiſter*) *Hermann*o à *Walcke* diſceſſit in Germaniam ad auxilia à Principib. Germanicis contra Pruſſos gentiles impetranda & ſimul Germanos animandos, ut in Pruſſiam excolendam commigrarent. Quotannis fere poſteà auxilia Ordini miſſa ſunt. Sequentes etiam Ordinis Magiſtri *Conradus Landr. Haſſ.* & *Poppo de Oſterna* ad hanc dignitatem in Germania eveſti magnis cum copiis ingreſſi Pruſſiam, magnos etiam progreſſus brevi tempore contra gentiles feciſſent, niſi *Sventopelcus* Pomeran. Dux perfidè Pruſſis ſuppetias tuliſſet. Hinc Reges & magni Principes, ut gloriam Pruſſiæ ſubactæ converſæque ad Chriſtum obtinerent, Pruſſiam, magnis exercitibus ſtipati, petierunt. Præ-



cipua fuit illa expeditio quam suscepit *Ottocarus II.* sive *Primislaus II.* Rex Bohem. An. 1355. multis Principibus comitatus, tum etiam Samlandia subacta & ad fidem Christianam suscipiendam coacta est. In hujus Regis memoriam condita est urbs *Regiomontum*. Celebris est etiam expeditio *Ottonis* Brandeb. An. 1266. in Prusiam suscepta, ubi arcem Brandenburgensem condidit Marchio & cum à Prussis esset deleta, reversus ob eam tantum rationem, reedificavit eandem. Vid. Chron. Ord. f. 73. seq. Quasi jam tum animo præcepisset optimus Princeps, aliquando Marchiones Brandenburgicos hic rerum posituros, idè nominis Brandenburgici memoriam noluit deleri. Gestum est bellum hoc cum Prussis totos LIII. annos, quo temporis spacio ingens vis hominum è Germania huc commigravit.

XXI. Et cum antea Vetus Prussia nullas haberet *urbes*, exceptis *Romanova* & *Gedano*, paucisq; arcibus ligneis ut *Honedæ*, *Peilpeilo*, &c. tum à Germanis conditæ paslim urbes arcesque cœperunt. Prius illud de Prussia testatur Vinc. Kadlubko l. 3. Chron. Pol. epist. 31. p. 375. ubi de Boleslao Crispo Duce Polonorum: *Itaque, ait, in globum coacta exercitissimorum numerositate Geticas (Prussicas) parat irrumperere provincias, nulla prorsus arte munitas; sed situ inaccessibiles.* & l. 4. c. 31. p. 512. dicit nullum fuisse suo tempore usum municipiorum apud Prussos, qui *eosdem urbium habuerint muros quos & fera*. Ex quibus patet errare Dlugossum l. II. ad an. 1015. f. 153. dum scribit jam Boleslaum I. Pol. Regem in Prussia præter Romanam sedem sive Romove etiam nonnulla castra oppugnatione cepisse ut *Bulgam* & *Radzin*; cum hæ arces longo tempore post conditæ sint, ut ex dicendis patebit: nisi fortè Dlugossus per *Balgam* & *Radzin* intelligat alias arces, ibi locorum sitas ubi postea *Balga* & *Radzin* condita sunt. Posterius verò nempe Ordinem  
Theu-

Theutonicum urbes demum condidisse, testantur ubique Chronica nostra. Nos pauca de Urbibus Pruslicis adjiciemus. Quod *Romam novam* sive *Romove* urbem concernit, de ea ferè certò scire non possumus ubi sita fuerit, ob magnum dissensum Scriptorum Pruslicorum. *Primo*, sunt qui urbem hanc stetisse putant, ubi hodiè oppidum *Heilgenbeil*. Gvagvin. in Descript. Prusl. & Kojalovvicz Part. 1. Hist. Lithv. lib. I. p. 21. *Deindè* alii urbem *Romove* ponunt in *Galindia*, forsan eo in loco ubi hodiè adhuc est pagus à Polonis dictus *Rumi*. Schuzl. l. f. 3. b. *Tertiò*, Author quidam Belgicus Anonymus in tr. cui titulus: *Historie van t' Land van Pruisen* putat *Romove* fuisse, ubi nostra ætate *Marienburgum* est. p. 15. Fluxit hæc opinio ex eo quod quidam quercum ibi ingentem communivisse Germanos asserant, ubi hodie *Marienburgum* est. Vid. n. XX. *Quartò*, alii in *Anstecbia* *Curlandiæ* provincia maritima primariam illam sedem *Romove* constituunt, ut Stanisl. Sarnitius, lib. VI. Annal. Pol. f. 286. & fol. 293. seq. Sed Sarnitius forsan de alia *Romano-va* loquitur. Notant enim quidam, plures fuisse ejus nominis urbes apud hæc gentes. Indè Kojalovvicz, qui *Romanovam* Pruslicam ponit, ubi hodie est *Heilgenbeil* oppidum, aliam tamen ponit in *Lithvania*, uti jam n. XV. notavimus. Eandem itaque *Romove* forsan intelligit Sarnitius, quam commemoravit Kojalovicus, licet in loco non omnino convenient. *Quinto*, alii in *Natangia* *Romove* urbem fuisse scribunt, ubi hodiè monasterii, *Trisaltigleite* dicti, rudera reperiuntur. Henneberg. in Chron. lit. *Trisaltigleite*. Weissel. in Chr. Prusl. p. 17. *Sexto* sunt qui in *Nadravia* *Romove* urbem collocant, ut author Chronici MS. in 4. p. 14. b. Alii *Septimò* dubiè hac dere loquuntur: Ut Author Chron. Ordin. Theut. apud quem hæc habentur: Auch hatten sie in diesen Landen Heidnische Pfaffen und einen  
sonders



sonderlichen Papst / welchen sie für heilig hielten / nach ihrer  
Heidnischen weise. Derselbe Papst hatte allezeit seine Woh-  
nung auff Samland oder Nadrauen zu einem Dorffe Romau  
nach Rome genannt. in Herman. de Salza. f. 28. b. Sed hæc  
sententia videtur eadem esse cum sexta. Forſan enim Au-  
thor tantum dubitavit quò hunc pagum, Romau, debuerit  
referre an ad Samlandiam, an verò ad Nadraviam, quoniã  
in confiniis utriusque Provinciæ situs fuit. Inter has sen-  
tentias probabilissima nobis esse videtur, quam quinto lo-  
co posuimus, ut & alii ostenderunt. Discimus tamen hic o-  
biter quantam fidem habere debeamus Chronicis nostris  
de Veteri Prussia disſerentibus, utpote quæ neque prima-  
riam Prusſorum urbem nobis describere, neque locum e-  
jus, ubinam steterit certo designare poſunt. GEDANUM  
ſive DANTISCUM antiquam eſſe urbem cognoscimus ex  
Anonymo Scriptore Sec. X. ſupra citato: qui martyrium  
S. Adalberti deſcribens, ipſum urbem *Gedanie* adieſſe ſcri-  
bit. Hinc quando alii urbis hujus initia referunt ad Annũ  
1185. ad tempora Principis *Subislai*, intelligendum hoc for-  
ſan erit de amplificatione, aut de reſtauratione hujus ur-  
bis. De nomine *Gedani* & *Dantiſci* variz ſunt opiniones.  
Alii enim à *Gothis* & *Danis* conditoribus, alii à Sinu *Co-*  
*dano*, alii à Germanico *Danzen* / alii aliundè derivant Vid.  
Cranz. l. 6. Wandal. c. 7. Cluv. l. 3. G. A. c. 34. & l. 1. c. 26. Schuz,  
Henneb. & alii, ubi multa fabuloſa occurrunt. Alias ur-  
bes arcesque primarias condidit Ordo Theutonicus hoc  
ſerè ordine. *Thorn* An. Chr. 1231. Sed urbs hæc transpoſi-  
ta eſt in alium locum An. 1235. *Culm.* 1232. *Altſhaus.* 1232,  
alii alio anno. *Marienwerder.* 1233. *Elbing* 1237. *Balgø*/  
*Neydenburg.* 1238. *Chriſtburg.* 1247. *Memmel* ab Ord. En-  
ſiferorum Livonico condita An. 1250. *Greñsburg* 1252. (1253)  
*Königsberg.* 1255. *Magnitt.* 1255. *Braunsberg* 1255.  
poſtea

postea an. 1279. translata est in alium locum. Tapiau. 1262. Brandenburg & Orfelsburg arces. 1266. Lochstädt. 1270. Riesen-  
burg. 1277. Marienburg. 1279. Straßburg. 1285. Mewe  
& Tilsit. 1289. Fischhausen. 1289. Holland. 1290. (1329.)  
Neuhaß. 1292. Graudenz. 1299. Heiligenbeil. 1304. Christen-  
mummel & Friedland. 1312. Einten. 1313. Wormitz. 1316.  
Schippenbeil. 1319. Gerdau. 1325. Heilsberg. 1320. (1240.)  
Wartenberg / Bischoffswerder & Guttstatt. 1325. Morun-  
gen. 1327. Salfeld & Rastenburg. 1329. Angerburg & We-  
lau. 1335. Yrgerburg & Insterburg. 1336. Rißel. 1337. Gils-  
genburg & Bartenstein. 1331. Paffenheim. 1388. Domnau.  
1400. Nordenburg. 1405. Allenburg circa An. 1410. Hæ ur-  
bes omnes à Germanis partim accitus, partim ultro venien-  
tibus excoltæ sunt, quorum posterì sine dubio multi adhuc  
reperiuntur.

XXII. Quod Ordinem Equestrem, primarium Pro-  
vinciæ nostræ decus, attinet, non adeò multæ familiæ ho-  
diè supersunt, quarum Majores in Prussia subigenda defu-  
darunt. Plurimæ enim post devictam Prusiam huc con-  
cesserunt. Harum omnium Origines investigare non per-  
mittunt hæ pagellæ, nec si permitterent, illud præstare pos-  
semus; cum multarum familiarum Genealogias non ha-  
beamus. Itaque de his tantum nobis sermo erit Nobili-  
bus, qui in Prussia Ducali habitant & quorum genealogiæ  
ad manus nostras pervenerunt. In ordine non observabi-  
mus antiquitatem familiarum (hoc enim ad propositum  
nostrum non facit) sed ingressum in hanc Provinciam, cu-  
jus Origines investigamus. Antiquissimam, inter hæ quæ  
hodiè in Prussia Ducali supersunt, familiam equestrem  
WALLENRODIORUM fuisse deprehendimus. Jam e-  
nim sub Poppone de Ostera Mag. Ord. Theut. circa An.  
1250. quidam *Walrod* Præfectus fuit Ermelandiæ, ut habet



Chron. Ord. Theut. f. 70. a. quamvis non nesciamus alios hoc nomen aliter scripsisse, ut *Wolrath/Wulrath/Wolrath/* adedò ut alicui in mentem venire possit, fuisse hoc prænomen Præsidis illius. Deinde tanta fuit hujus familiæ auctoritas, tanta fuere merita ut etiam An. 1391. *Conradus à Wallerodt* electus sit in supr. Ord. Theut. Magistrum, totius Prusiæ aliarumque Provinciarum Dominum. Origo hujus familiæ Franconica est, ex qua hodie vivit Per-Illustr. atque Generosiss. Dn. Dn. JOHANNES ERNESTUS à WALLEROD Supremus Provinciæ hujus Magister. RÖDERIORUM nomen à principio Ord. Theut. hic celebre fuisse reperimus. Nam An. 1261. sub Poppone de Osterna quidam *Rederus* in pugna ad Pokarvvín generosum profudit sanguinem. Henneb. in Chr. Pr. f. 15. & 33. SCHAKIOS circa eadem tempora contra Prusos fortiter segesisse legimus. Vid. Stanisl. Sarnit. lib. VI. f. 294. seq. KOSPOTHII in princ. Sec. XIV. Prusiam intrarunt. Nam *Henricus à Kospoth* militiæ Præfectus cum Illustr. Henrico à Plauen sub Sigfrido à Feichuvvängen An. 1309. in Prusiam descendit. Et an. 1345. *Joannes à Kospoth* Commendator fuit Lipstadiensis & Morungensis. Origo familiæ est ex Italia, quæ sub Claudio Druso Nerone in Franconiam migravit, & ex Franconia per alias etiam Germaniæ Provincias dilatata est, donec & in Prusiam nostra sedem figeret. *Burggravi & Comites de DOHNA* Sec. XIV. Prusiam ingressi sunt. Jam enim ante trecentos annos quidam ex hac familia cum Principe Silesiæ in Prusiam venit cum copiis auxiliaribus. Sed cum hic in Germaniam esset regressus *Stanislaus* postea à *Dohna* ex domo Krachteni hic sedem fixit. TETTAVII ex Bohemia oriundi sunt. Postquam verò latius ampliata eorundem propagine Voilandiam ingressi sunt, vixit inter

eos Wernerus à Tettau qui suo sumptu An. 1404. auxilia-  
rem Ordini Theutonico submisurus militem Borussia  
accessit. Hunc secuti alii Tettavii, donec tandem *Wil-*  
*helmus à Tettau* animum ad nuptias applicuit, à quo ho-  
dierna familia Tettaviorum genus suum ducit, ex qua et-  
iam hodie est. *Per-Illustr. atque Generosiss. Dominus Dn.*  
*JOHANNES DIEDERICUS à TETTAU Prussia Cancellia-*  
*rius.* Circa eadem tempora STERNBERGII florere, ex  
quibus An. 1413. *Michael Rûchmeister von Sternberg* in  
supremum Ordinis Theuton. Magistrum, Prussia & aliarum  
Provinciarum Dominum evectus est. TRUCHSESSII  
è domo Wephausen eodem Sec. ad summam in Prussia,  
dignitatem ascenderunt. *Martinus enim Truchsessius à*  
*Wephausen* itidem supremus Ord. Theut. Magister ele-  
ctus est An. 1477. Origo gentis hujus est ex Franconia.,  
RAUTERII ferme ab An. 1420. ex Austria progressi, in  
Prussia florere. OSTAVII etiam ab An. 1434. Prussiam  
incoluere. Primus hujus familiae in Prussia propagator  
fuit *Joannes ab Ostau* sub Paulo à Rusdorff. FINKII à *Fin-*  
*kenstein* eodem tempore in Prussiam se contulerunt, quo-  
rum primus *Conradus Fink*, ab arce *Finkenstein* dictus, ex  
Bohemia cum Ord. Theut. huc commigravit. EYLEN-  
BURGII *Liberi Barones* ex Saxonia sunt. Primus qui Prus-  
siam ingressus est, fuit *Vendt* sive *Wenceslaus L. B. ab Eylen-*  
*burg* An. 1454. à quo hodierni Eylenburgii descendunt,  
(aliàs & antea videlicet An. 1438. *Pott ab Eylenburg* Equ. Ord.  
Theut. fuisse dicitur.) SCHLIEBENII quoque eodem tem-  
pore in Prussiam sedem suam transtulerunt. Nam An. 1460.  
*Georgius à Schlieben* primus familiae hujus in Prussia funda-  
tor, Magistro supperias laturus huc accessit. Sub eadem  
tempora RAPPIORUM nomen in his terris auditum est.  
Nam Eustatius Rappe tum apud Livonos Capitaneus fuit



arcis Frauenburg, cujus filius in Prussia habitavit. CREU-  
ZIORUM familia Miinica est. Primus ex hac familia Prus-  
siae incolae fuit *Melchior à Creuzen* qui cum Friderico Duce  
Sax. & Mag. Ord. Theut. in Prussiam se contulit. Ex qua fa-  
milia hodie est *Per-Illustr. ac Generosiss. Dn. Dn. ABRAHAM*  
*JOSAPHAT à CREUZEN, supremus Prussiae Marschalcus.* Cum  
Illustr. Alberto March. Brandeb. Mag. Ord. Theut. & postea  
Primo Duce Prussiae multae nobiliss. familiae, quae adhuc su-  
per sunt, in Prussiae domiciliū suū transtulerunt, ut TRUCH-  
SESSII Liberi Barones à Waldburg/ quorū primus fuit *Frideri-*  
*cus S. R. Imp. Dapifer hereditarius & L. B. in Waldburg.* De-  
inde Liberi Barones zu Kittlitz Silesii, quorū primus Prus-  
siae nomē hoc intulit *Henricus L. B. zu Kittlitz* Inde Liberi Ba-  
rones zu Heydeck / quorum primus fuit *Wolfgangus L. B.*  
*zu Heydeck Francus.* Item SCHENKII Liberi Barones zu  
Tautenberg/ quorum primus *Christophorus Schenk zu*  
*Tautenberg.* KALKSTEINII eodem tempore huc commi-  
grarunt. POLENTII quoq; sub D. Alberto Prussiam intra-  
runt ex Lusacia, quorum primi fuerunt *Joannes à Polentz &*  
*Georgius à Polentz* qui factus est Episcopus Sambien-  
sis. Tem-  
pore Alberti etiam BORKII ex Pomerania in Prussiam vene-  
runt, quorum primi fuerunt *Joachimus à Bork* Supr. Mar-  
schall. & *Antonius à Bork* Capitan. Brandeb. HAUSIORUM  
primus fuit *Antonius ab Hausen.* HALLII quoq; sub D. Al-  
berto adhuc Magistr. Ord. in Prussia innotuere, quorum  
primus *Paulus ab Halle* ex Ducatu Brunsvicensi in Prussiam  
descendit. PUDVELSII sub Alberto jam Duce Prussiae ex  
Pomerania Prussiae intrarunt; Primus fuit *Matth. à Pudvels,*  
à quo Pudvellsii Prussici prognati sunt. NETTELHORSTII  
sub Sereniss. Georgio Wilhelmo El. & Duce Pruss. ex Cur-  
landia sedem suam in Prussiam transtulerunt, quorū primus  
fuit *Christophorus à Nettelhorst* Aulae Marschalcus & Capitan.

Neu-

Neuhauſ. & Labiav. Generoſi atq; Nobiliſſimi Domini Reſpondentis avus. Prima autē gentis hujus origo eſt ex Weſſphalia. Sub Sereniſſ. Friderico Wilhelmo Elect. & Duce Pruſſ. Domino noſtro Clementiſſimo indigenæ facti ſunt, *Liberi Barones à SCHWERIN* ex Pomerania. *Liberi Barones ab HOVERBEK* ex Brabantia & *Liberi Barones à DOBRZINIEC* ex Bohemia. Item *De la Cave* ex Gallia. *Noldii* ex Curlandia genus ſuum ducentes. Sunt autem aliæ adhuc Nobiliſſimæ familiæ Germanicæ, quarum initia Pruſſica libentiſſimè quidem annecteremus, ſi Genealogiæ ipſorum ad manus eſſent. Jam tantùm nomina quarundā apponemus. Florent verò adhuc in Pruſſia Ducali, *Comites Denboſii. Pröki. Eppingeri. Rauſchki. Troſzki. Königſeki* ex Svevia. *Oeſchnitii. Brandii. à Diebeß. Lebwaldii. Rippii. Brumſii. Hondorſii. Korſſii. Gözii. Roſen. Schönaiçhii. Sakii. Lebndorſii. à Gröben. Canizii. Berbersdorſii. ab Auren. Kubnheimii. Rauchii. Litwizii. Glaubizii. Pſlanzii. Bodenbruchii. Præmbokii. Hauchwizii. Pakmorii. Egloffſteinii. A Medem. Von Deſſen. Taubenecker. à Tieſeln. Von der Albe. Von der Trenck. Edſen. Milvii. à Thatau. à Schlusbuch. Cannacherii. Weſelii. à Knoblauch. à Pilgrim. à Portugall. Wolfframsdorſſii. Willmsdorſſii. & alii plurimi. Sed & aliæ adhuc ſuperſunt antiquiſſimæ familiæ, quæ ex Veteri adhuc Pruſſica nobilitate putantur eſſe oriundæ. Ejusmodi ſunt, familia *KALNEINIORUM*, ex quâ hodiè eſt *Perluſtr. atque Generoſiſ. Dn. Dn. ALBERTUS à KALNEIN* Supremus in Pruſſia Burggravius. *LESGEWANGIORUM. PERBANDIORUM. PARTEINIORUM. PRAXEINIORUM. MALGEDEINIORUM. MEERKIORUM.* Deſcendunt autem jam multæ Nobiliſſimæ familiæ, quæ olim magnis in Pruſſia functæ ſunt dignitatibus, ut *Bayſeniorum. Noſtiorum. Alexwangiorum. Derer vom mercklichem**

*Kade. & aliorum,*

**COROL-**



## COROLLARIA.

I.

**Q**uod hodiè non dentur tot gentium migrationes ut olim, faciunt terræ hodiè magis excultæ, quæ facilius se alere possunt, præsertim defectum tot navigationibus & mercium transportationibus suppleantibus. Regna etiam cultiora habent plures munitiones quam olim, adeò ut illis gentes adventantes faciliè repelli possint. Mentis autem humanæ mobilitas & vagandi libido singulorum peregrinationibus defervescit. Vid. Seneca in Consolat. ad Helv. cap. 6.

II.

Mare eodem modo ut terram occupari & imperio alicujus subjici posse arbitramur.

III.

Nimis priscè loquitur Machiavellus lib. 2. Disp. in Liv. c. 10. cum pecuniam esse belli nervum negat.

IV.

Item, quando lib. 2. cap. 24. munitiones Rebus publ. inutiles esse putat.

### SOLI DEO GLORIA.







